

საქართველოს
საზოგადოებრივი

საქართველოს საზოგადოებრივი



№ 10



საზოგადოებრივი საქართველოს — მოქმედებები.



1909

ს. ა. აბაშიძე

შინაარსი



I—	ყრმის, — ფექსი, დ. თამაშვილის	3
II—	განკურნებულო, — ნეკატის	6
III—	რთველი, — კვდოშვილის	9
IV—	თამარის გვირგვინი, — (ისტორიული მემკვირვება), შ. ჯგ დაშვილის	15
V—	ღაფოს გულის წოდები, — ავანკდასი	20
VI—	ამისთინა და ამის უბრესი, — (მეგრული ზღაპარი), ნ. ჩანაშაისი	26
VII—	კარტოფილი, — (თარგმანი) კანდუკაძის	28
VIII—	წმ. კერონი კასიადრი, — (სეფშა დამგრეკაძის) დ. — ტესი	35
IX—	მიწის ძერა, — ს. ა. — ს	56
XI—	მითოლოგია, — ტროადის ომი, — ამის განახლება და ტროადელების განმარტება	56
X—	გასართობი, — ა) უცნობი საზუღალოება უსიამოვნების თა ვიდან ასეკილოებლა, — ბ) რებუზი და ბლენა	68

ნაკადული

საშმაწვილს შურნალი

წელიწადი გაზეთი სასაზღვრო



ოქტომბერი, 1909 წ.

№ 10.



ტფილისი, ელექტრონის სტამბა წიგნების გამომცემელ ქართველთა ამხანაგობისა.

შინაარსი

I—ურმას, — ლექსი, დ. თამაშვილისა	3
II—განკურნებული, — ცქვიტისა	5
III—რთველი, — ი. კვდოშვილისა	9
IV—თამარის გვირგვინი, — (ისტორიული შემეცნება), შ. ლუ- ლაშვილისა	15
V—ლაქოს გულის ნაღები, — ივანეჯისა	20
VI—ამისთანა და ამის უარესი, — (შეგრუდი ზღაპარი), ნ. ჭანაშიასა	25
VII—კარტოფილი. — (თარგმანი) განდევნილისა	28
VIII—წმ. ვერონიკას ჩადრი, — (სელმა ღამურდუფისა) დ. — ძქვა	35
IX—მიწის ძვრა, — ს. გ. — სა	56
XI—მითოლოგია, — ტროადის ომი, — ომის განახლება და ტროადელების გამარჯვება	55
X—გასართობი, — ა) უებარი საშუალება უსიამოვნების თა- ვიდან ასაცილებლა ე, — ბ) რებუსი და აღსნა	63





შ რ მ ა ს

აფუნჩული, ბამბის ქულა,
აკვანში წვეს, ტკბილად სძინავს,
მის უმანკო ოცნებაში
ანგელოზი მიმოფრინავს!

უცხო მგზავრი, სასურველი,
თვით ნანატრი წვეულია
და ოჯახიც მასთან ერთად
ნეტარებას ჩვეულია.

ჰხედავთ—სძინავს, მაგრამ თვალებს
წამწამის ქვეშ დააცურებს,
ხან ღიმილი გადაურბენს
და ხან ტუჩებს აცმაიუნებს!..

გაიღვიძებს—სიამება:
ანგელოზებრ მორთავს ენას,





დატიტინობს, დაფოთქინობს
 და ეძლევა აღმა ფრენას.

უმანკოა, — ანგელოზი,
 ანგელოზად გადმოსული
 და უმწიკვლო, სარკესავით,
 მისი გული, მისი სული.

მაგრამ, ყრმაო, თუმცა წმინდაა
 შენი გული, შენი თვალი, —
 არვინ უწყის შენი ზვედრი
 და ცხოვრების მომავალი!..

დ. თომაშვილი





განკურნებული

მომხიბლავი მზე მოკამკამე ლურჯ ცის გუმბათზე მეტის სინაზით ნელა სცურავდა; განშორებისას ცეცხლის ფერს ხივებს თავის სამყაროს თავზე აფრქვევდა — აღამაზებდა: ჰკრთოდნენ ვერცხლის ფრად ვარდ-ყვავილზე საღამოს ცვარნი, ვით წრფელნი ცრემლნი, ბალახთა შორის ციმციმებდნენ სხივით მოსილნი; დულდა წყაროც გულ-ამოსკენილი, ჩუხჩუხებდა კლდის ნაპრალებზე საამურად გადმოჩქეფილი. საიდუმლოებით სავსე ტყე-კი, როგორც მორთული პატარძალი მეტის სიამით იცქირებოდა და, ფრინველებით მოლხინებული, თვით სამოთხეს ედარებოდა. იმ საღამოს ფრინველთ იმ ტყეში დიდი ზეიმი ჰქონდათ გამართული. თივილ-

ხივილი, სტვენა-გალობა სუფევდა წყაროს გვერდითა მხრის მზგავსად შენათებულ კლდის გარშემო. ყველა ლაღობდა: თითქოს ბუნების სიმშვენიერე ყველა სულდგმულს ლხენით ავსებდა, ათამამებდა: ყველა მათგანიც თითქოს უნებლიე თავს ტურფად ჰგრძნობდა, ყველა სცდილობდა რაიმე მიშხიდველი თვისება თვალსაჩინოდ გაეხადა, მით მოეხიბლა დანარჩენთა ყურადღება და, იმ სიამით აღკურვილი, სიხარულით ცას დასწვოდა. ნაზი ბულბული თვისის სტვენით არე-მარეს ტკბილად ულხენდა; მშვენებით სავსე ფარშევანგს თვისი მარაო მზის სხივებზე ათასფრად აეკრელებინა და იქვე ბორცვზე ვით ბრძანებელი მეფე ლამაზთა მდლიდურად იტკირებოდა; მძლავრი არწივი კლდის პირდაპირ მათ გასართობად, ცის სივრცეში ოქროს სხივებს ეთამამებოდა. მოუსვენარი კაქკაჭი იქვე მჯდომ გულ-ზვავ ყვავს თვის ეშმაკობით სიცილით ჰკლავდა, არ ასვენებდა. ოფოფს მეტის ეშხით თავზე გვირგვინი წამოედგა და იქვე მხარ-თეძოზე წამოწოლილ გმირ კაკაბს თავს აწონებდა, მოხდენილად აღმაცერად შესჩერებოდა. კლდეზე მჯდომი ძერა წყნარის ღიმილით ღონიერ კლანჭებზე მეტის სიამით იხედებოდა. მალხაზი ბელურეები იქვე რუს პირად თხილის ბუნჭზე შეხუნხლოლოყვენ და ჩამავალ მზეს დალა სისხამზე ტკბილის ჭიკჭიკით შეგებებას ჰპირდებოდნენ. ერთის სიტყვით, დიდი ამბავი სუფევდა ტყეში, ყველა ხარობდა, გულს ლხენით ინავარდებდა, გარდა პაწია ბრმა ჩიტუნასი, რომელიც ცალკე მათ მოშორებით წიფლის ფულუროს შეჰფარებოდა და იქიდან იმათ ზემს თითქოს ქურდულად თვალს ადევნებდა. ბოლო გაწეწილს ნაცრის ფერი ბუმბული ისე უშნოდ ამოსვლოდა, გვეგონებოდათ, სამასხაროდ აქა-იქ ვისმე შეუსხამსო. ფრთა ჩამოსუსულს ცალი თვალიც დაბრმავებოდა და გრძელ ნისკარტთან ერთად რაღაც მასხარას წაავადდა. იჯდა ჩუმაღ, სულ-შებუთული და თავის ვარამს წიფლის ფულუროს გულ-დაწყვეტით უზიარებდა:

— ნეტა ვიცოდე, ვის რად უნდოდი, რომ მაზინჯი, უშნო, უღონო ქვეყანაზე ვიბადებოდი. ან რად მინდოდა ასეთი



გრძნობა, რომ ეს ჩემი სიმახინჯე შხამით მივსებს სებაზონებს...
 გულსა. დეე, ვყოფილიყავ ქვეყნისათვის მხოლოდ მანძილზე,
 დეე, ჩემთან შედარებით თავი ყველას გამირებათ ეცნოთ,
 ოღონდ არ მეგრძნო მე მათი ზიზღი, არ მომდებოდა ყოველად უღირსს, მათი შებრალებით, ცეცხლი სიმწარისა. ვგრძნობ
 რომ შეგრისხავ შენი შეხედვით, ქვეყნის გვირგვინო, ფირუზო
 ცაო, ვგრძნობ რომ შეგრისხავ ნათლით მოსილ დიდებულ
 მზესა, ვგრძნობ რომ შეგრისხავ ჩემთა მოძქეთ, გულ განავარდ
 მალხაზ ფრინველთა, მაგრამ რა ვქნა, რა ბრალი მიქვს, რომ
 ქვეყანას ნაზიცი თურმე ჰსურს და მახინჯიცა. ვიწვი საბრალო,
 ცეცხლს მიკიდებს ეს ჩემი ყოფა; მსურს, ყოველად უღირსს,
 არ ვსუფევდე, არ ვარღვევდე, ჰოი ბუნებავ, შენს ჰარმონიას,
 მაგრამ რა ვქნა, როცა უშნო სიკვდილისთვისაც, თურმე, საზიზღარი ვარ.—
 ასე უჩუმრად მოუთხოვრებდა ბრმა ჩიტუნა წიფლის ფულფუროს და თან
 გულ-ამომჯდარს წრფელი ცრემლები მოკრძალებით ჩამოსდიოდა.

მზე ჩაესვენა, ფრინველთ ზეიმი უმაღლესს წყვიტეს. მიყურდა არე... ტყეს ჩაეძინა... სიზმართ მოიცივეს მთანი მღუმარე. არ სძინავს იმავ პაწია ჩიტუნას, რომელიც შორს, ყველასაგან მორიდებული, მალალ ხის ტოტზე შემჯდარიყო და, იმავ გრძნობით შეპყრობილა, რაღაცა ლოცვით ამომავალ ღამის მნათობს შეჰლალაღებდა.

— მარტოდ მარტო ობოლი ვარ, შემითვისე, შემიწყნარე, დიდ სულოვანო, ტკბილო ბუნებავ! შენის განგებით წარმოშობილი ისე შემინდე, როგორც რომ დედამ ბედით დაჩაგრულ საბრალო შეილსა. შენით მიღგია პაწია სული, მე შენ მიყვარხარ, თუმც უღირსი ვარ, მაგრამ მეყოფა, შენ ნუ მარგუნებ ამ მწვავე ზიზღსა.

— გულ-ჩათხოვრილი, ნაღვლიანი მხოლოდ შენთვის ვარ, მე შენ მიყვარხარ!— ჩამოსძახა ნათელმა მთვარემ და თვისი სხივი გულს რომ მოჰფინა, იმ წამს გაჰკურნა.

— მიყვარხარ მუდამ, — ნუგეშით სავსე ხმით დაჰბერა გრილმა ნიაგმა, თან ნაზი ხელით თავს მოეხვია, წრფელი ამბო-



რით ცრემლი შეუშრო და ვით აკვანი უმანკო ჩველნი ვეწილნი
ტი ნელ-ნელა შეურხია, ნანა დამღერა.

— მე შენ მიყვარხარ, რადგან ეგ გრძნობა ძლიერია და
წმინდაა ჩემს ტალღებზედა; მე შენთვის ვმღერი, რადგან ვი-
ცი ღრმად მომისმენ, მითი დასტკებები და იმალღებები. სამა-
გიეროდ დილა ადრიან, სულბით მაღალო, ნისლის მსგავსად
თავს მოგებვევი, გულს დაგიკოცნი და შემდეგ ვით ზღვა
თეორი, ნარნარი გრძნობის ილხენად შორს გავცურდები.—
ჩაუბუტბუტა იქვე მდინარემ და იმ ხის ფესვებს აღელვებულ-
მა ტალღა-ტალოზე ცელქად აწყვიტა. ხე მეტის გრძნობით
ნახად შეირხა...

— «გვიყვარხარო» — დასჩურჩულეს შევერცხლილმა მისმა
ფოთლებმა და ვითა ნუკრი, უსუსური გულს მიიხუტეს, ძი-
ლით უღზინეს.

სძინავს ჩიტუნას ზეციურ ძილით, ამ ტკბილის გრძნო-
ბით, — რომ ეს ბუნება საყვარელი მისი ყოფილა და ის კი — ბუ-
ნებისა.

ცქვიტი





რთველი



შხა-შხუ-შხა-შხუ! ამოდითა ქვევრი-
 დან ხმა შხუილით. შიგ ჩვენი ონოფრე
 ჩამჯდარიყო და თავით ფეხებამდე ბატი-
 ვით გაწუწული იქნევდა მკლავებს, ხან
 ქვევრის ერთს გვერდს გაუქნევდა „კრა-
 ზანას“, ხან მეორეს, ხან კი ამოპყოფდა
 ხოლმე ქვევრიდან თავს, ამოისუნთ-
 ქავდა, ჩაპყლაპავდა ჰაერს და ისევ ქვე-
 ვრში იმაღებოდა.

— აბა, ბიკებო, აბა, თქვენი ქირიმეთ ჰაი დასძახოდა
 მამაჩემი ბიკებს, რომელნიც ეზოში ფუსფუსებდნენ. ზოგნი
 გოდორს აბამდნენ ყურს, ზოგი კალათას რეცხდა და ზოგიც
 ცეცხლს უტრიალებდა.

— მი-ი-ი, მი-ი-ი! ისმოდა ამ აურ-ზაურში იქავე, დიდის
 ჯალღის ქვეშ მიბზულის თხის ხმა, რომელიც დღეს უნდა
 დაეკლათ.

— უჰ, ამოისუნთქა ონოფრემაც და ამობობლდა ქვევ-
 რიდან:

— აბა, შენ შეგვერგება ნუნუა, აი! შესთავაზა ამხანაგმა,
 რომელიც მეორე ქვევრს ყელს უსუფთავებდა და თან მუხლზე
 დადგმულ ხელადას მოიყუდებდა ხოლმე.

— ძან დავიღალე, ამის ზედაშის მადლმა! ეხუმრები
 ამოდენა ქვევრების დარეცხვას?— მიუგო ონოფრემ, ერთი
 ორჯელ ამოისუნთქა და ჩამოართვა ხელადა.

— ახლა კი დროა, ვახსენოთ ღმერთი! შემოილაპარაკა
 მამაჩემმა მარანში, მიათვალ-მოათვალიერა იქაურობა და გას-
 წია ვენახისაკენ.

მალე ტივილ-ხივილით დავერიენით ვაზებს. ასეთღვემე
 ურობა და გადახილ-გამოძახილი გვესმოდა მეზობელ ვენახე-
 ბილამაც.

— ასწი, ჰა, ჰაადე, აი ასე!

— მაშ, არა და შენა გგვეარ!

— დაიკარგე, ქალაჩუნავ!

მოისმოდა ხუმრობა ყურძნით სავსე გოდრის აკიდების
 დროს და თან სიცილ-ხარხარი, თუ რომელიმე მათგანი მარ-
 ჯვედ ვერ მოექცეოდა გოდორს.

— მაშ, როგორ გინდა შეილოსან, ი ნუნუას რო მი-
 უჯდები ხოლმე და სწრუტავ და სწრუტავ!

— შენ კი აკლებ, აი, შენმა თავის მზემ!

ამ ხუმრობაში და ხმაურობაში კალათა კალათას მოს-
 დევდა, გოდორი გოდორზე იგზავნებოდა მარნისკენ და ჩვენც
 თანდათან მივდიოდით წინ, უკან კი ცარიელი მოწყენილი
 ვაზები გვრჩებოდა.

— აი ეს აკილო იმას, ვინც ერთ კუს მომგვრის, ვინც
 ორს მოიყვანს, ჩხას აუქრი! მოგვიბრუნდა მამაჩემი მე და ნუ-
 ცას, რომელიც ჩემთან ერთად ერთს კალათაში ჰკრეფავდა
 ყურძენს.

— მე ერთს გოდორს გაახლებთ, ბატონო! — შეგვეცი-
 ლა ონოფრე.

— არა, ძმავო, შენ არ გენდობი, შინ წაასხავ, გაეხუმ-
 რა მამა ჩემიც.

— მე, მამა, მე, შენ გენაცვალე, კარგი დიდი აკილო
 იყოს! ეხვეწებოდა მამას ჩემი და ნუცა.

— დიდი აკილო იყოს და შენც დიდი კუ უნდა მომ-
 გვარო!

— რა ვქნა, რად გინდა კუ, გალიაში უნდა ჩასვა თუ?
 გაეხუმრა დედაჩემი, რომელიც კალათით ხელში ჩამიჩხს არ-
 ჩევდა მტვენებზე.

მეტე ილაჯი არ იყო, უნდა დაფთაცურებულყავით და



მე და ნუცაც გავემგზავრეთ სანადიროდ. რამდენჯერმე ასევე ჩაუარეთ ვენახს, მივწინჯ-მოვწინჯეთ ბალახებში, მაგრამ ნადირი ვერსად ვერ ვნახეთ. გავედით ვენახის განაპირას და, ღვთის წყალობა თქვენ გქონდეთ, როგორც ჩვენ გავიხარეთ.

ერთი... ორი... სამი... აუარებელი, ხმაურობაზე ვენახს გამოსცლოდნენ და ღობის ძირებში მიკუნჭულიყვნენ. იმათში რომელიც დიდი იყო ის ამოვირჩიე. კუ ხან გამოპყოფდა ხოლმე თავს სარდაფიდან, შემოაპრიალებდა თვალებს უკან, შემომხედავდა და ისევ იმალებოდა თვის ციხე-დარბაზში.

მე უკვე ხელში მეჭირა ჩემი ნადირი, აღარც თავი უჩანდა, აღარც ფეხები. ნუცაც კი ერთ მათგანს გაუბედავად აგორებდა ჯოხით კალათის პირისაკენ, როგორც იყო დაატუსაღა და გავექანდით მამაჩემისკენ.

— ყოჩაღ, ყოჩაღ! ეხლა კი გეკუთვნით აკიდობი! — შეგვაქო მამამ, მაგრამ დანარჩენთ სიცილი დაგვაყარეს.

ჩვენ კი რა გვენადვლებოდა, ღობის ძირში ნადირი ბევრი იყო და ჩხა და აკიდოც — კაი ფასი ჩვენთვის.

მალე ვენახის შუაგული გავავსეთ კუს ქარავანით. ისინი ზოგი დარბაის-ლურად კისერ-გამოწვდილნი დასეირნობდნენ, ზოგი მთლად შემალულიყო სარდაფში.

— აბა, ივანე ახლა შენ იცი, როგორც მოუვლი ილოსა და ნუცას ნანადირევს, — უთხრა მამაჩემმა მეზვრეს, როდესაც გადმოხედა კუს ქარავანს.

— მე ვიცი და კიდევ ამოვიყრი მაგათ ჯავრს, — მიუგო ივანემ, — ამ ოხრებმა გააჩანაგეს წლეულს ვენახი, ერთი მტყვანი აღწრ გაუშვეს ვაზის ძირს შეუქმელი. სამერმისოდ მაინც ჩამოვიხსნი!

ახლა კი მივხვდი, თუ მამაჩემმა რად გაგვგზავნა ასეთ უცნაურ სანადიროზე. უნდოდა, ჯერ ერთი, თავიდან მოვეშორებინეთ, რადგან კრეფაში ყურძენს ვაფუქებდით, მეო-



რეც ის, რომ უნდოდა კუთა ლაშქარი ივანესთვის ჩაეგდო დასასჯელად.

მართლაც, დიდი ხანი აღარ დააცადა ივანემაც, მიარბენინა ტომარა, ჩაჰყარა შიგ ჩვენი ნანადირევი, მოაკრა მაგრა პირს და წაიღო მარნისაყენ. აქ უნდა გადაწყვეტილიყო მათი დასჯა.

მოატანა შუადღემაც. სადილობის დრო იყო და, მამიჩემის განკარგულებით, ყველანი შინისკენ გავეშურეთ. აქ, მარნის ეზოში ბიჭებს აერთოთ დიდი ცეცხლი, შემოედგათ ზედ ქვაბი, რომლის ახლოც ეყარა ჩვენი საწყალი წვერ-ცანცარა თხის თავ-ფეხი და ტყავი.

მარნიდამ ეხლა უფრო მზიარული ხმა მოისმოდა. გავსწიე იქით: ონოფრეს, ნიკოს და თედოს გადაებათ მხარი-მხარს, დაეკაპიწებინათ მუხლები და, რაც ძალი და ღონე ჰქონდათ, სცემდნენ ფეხს ნავში ჩაყრილ ყურძენს. ისინი მწყობრად ხან ერთ ფეხს ასწევდნენ ხოლმე ზევით, ხან მეორეს. ყურძნის წვენი კი ამ დროს ჩქაფი-ჩქუფით გამოდიოდა ნავის ძირიდან, ჩადიოდა ღარში და იქიდან წკრიალით ეშვებოდა ქვევრში.

— აბა, მაგრა! აბა, მარდა! ეი, ონოფრე, ბატონით კი ნუ ჰბაჯბაჯებ! — ხუმრობდნენ ბიჭები ნავში.

ენკენისთვე რო დადგება,
ვენახში გორავს კალათა;
ან თითონ დამცეს დასტური,
ან მოვიტაცებ ძალათა!

შემოსძახა პასუხად ონოფრემ, მას მიჰყვნენ ამხანაგებიც და ფეხების ჩქაფი-ჩქუფს ააყოლეს სიმღერა.

— აბა, თქვენს გაზარჯეებას, ბიჭებო, აბა, გაისარჯენით, პა! — ამხნევებდა მამაჩემი, მაგრამ წაქეზება აღარ უნდოდათ, მუხლებს არა ზოგავდნენ; ხან-კი შედგებოდნენ, შეისვენებდნენ



კოტა ხანს, მოირიგებდნენ იქვე ნაღის ბაქანზე, მდევრებს...
 ღვინის ხელადს და კვლავ შეუდგებოდნენ თბილისს...
 მეს. ყურძნის წვენი კი შეუჩერებლივ ჩაწკრილდება ქვევრ-
 ში.

— ეს ღმერთმა ადღეგრძელოს ჩვენი მასპინძელი, მის-
 ცეს ღვინო, ჰური ძველი...

ვერ დაამთავრა მოშიორე ნიკომ, როდესაც ივანემ და-
 ღრეჯილის სახით შეატყობინა მამაჩემს სამწუხარო ამბავი:
 თურმე ივანეს დატყვევებულს ლაშქარს თავი გაენთავისუფ-
 ლე¹ინა და მიმალულიყო.

— მღევარი, მღევარი! დასცეს კიენა ბიჭებმა, ჰარიკა,
 ივანე, ბედაურს მოაჯექ! ახმაურა სიცილ-ხარხარმა მარანი.
 ივანე-კი ისეთი დაღონებული იდგა, თითქოს მართლაც მო-
 სისხლე მტერი გაშვებოდეს ხელიდან.

ივანე კუზე ნადირობს
 ყირიმის თოფით ხელშია,
 ზოგი ლობეში შეუძვრა,
 ზოგი გაექცა ტყეშია!

გამოლექსა უცებ ნიკომ, შეუწყეს სიმღერა და ჩააბეს
 ჩარფუხანა. ივანე-კი აქეთ-იქით აქნევდა თავს, მაგრამ ეხლა
 ის თვის დამარცხებაზე იმდენად აღარ ჯავრობდა, რამდენა-
 დაც ნიკოზე, რადგან იცოდა, რომ სალამომდე ეს ლექსი
 მთელს სოფელს მოედებოდა.

— ფიქრი არ არი, მეზრისამდე უფრო დაიზღვებიან! — ანუ-
 გეშებდა მამაჩემი.

ივანე კუზე ნადირობს... და სხვ...

იპეორებდნენ ბიჭები და მათ სიმღერას ბანს აძლევდა
 ფეხების ჩქაფა-ჩქუფი, ყურძნის წვენის ნაკადული, რომელიც
 ქვევრში წკრილით ჩადიოდა.

ხოლო მე და ნუცა მარნის კარებს უკან ჩუმად ვიციქვით. დით ივანეს უბედურებაზე, რადგან ჩვენ ვიყავით ამის მიზეზი. ჩვენ, ახალ აკიდო-ჩრხების მოლოდინში, ჩუმად გავანთავისუფლეთ დატყვევებული ლაშქარი...

ი. ევლოშვილი



თამარის გვირგვინი

(ისტორიული შემეცნება)



სულ-მნათი დიდი თამარი
ტახტზე ზის დაფიქრებული;
მას აშშვენებდა ამაღა,
სასახლე გაბრწყინებული.
თან ახლდნენ დიდებულები,
მეუღლე დავით სოსლანი,
იქ იყო შოთა რუსთველი,
უკვდავი, სახელოვანი.

სუყველა მოკრძალებითა
თამარს უმზერდნენ ლხენითა,
არაფერს უბნობს თამარი,
რალაზეც იყო წყენითა.

სასახლის კაცნი დაფიქრდნენ:
„უთუოდ ჩვენსა მეფესო
რაიმე სევდა აწუბებს,
საუბარ მოიეფესო...“

თორემ თამარი ამდენ ხანს,
იბა, რად გაჩუმებულა?
შუბლი შეუკრავს შეკმუხვებით,
მცირედაც დალონებულა.“

წინ წადგა დიდი ვეზირი:
„მეფეთა მეფეთ ცხებულო!
შუქ-მფენო, მზეო, მნათობო,
ცისკარად მოვლინებულო!
უწყით, რომ შენი სასახლე,
ჯერ არასოდეს ჩვეულა



თქვენს დალონებას, აგვიხსენ,
 რისაგან გამოწვეულა?!

საგონებელში ჩავარდა
 სუყველა დიდებულო,
 აღძარ ბაგენი, მოგვითხარ
 ამბავი ღირსეულიო!

ღმერთმა დაგისნათ, თუ გელით,
 რაიმე განსაცდელიო,
 შესაწირავად მიიღე,
 ჩვენი სიკოცხლე მთელიო!“

თავი აიღო თამარმა,
 სასახლეს შუქი მოჰფინა,
 ღრუბლიან ცაზე უეკრად,
 თითქო მზემ გამოაბრწყინა!

„დიდ ხალხთა დიდი აზრები
 სჩვევიათ, ასე თქმულაო,
 ყოველი ერის დიდება,
 ბრძენთაგან წარმოდგმულაო!“

ვნახე რა უცხო ჩვენება,
 საკვირველ-საოცარიო,
 გაიმბობთ, გამოცნობა კი
 ხომ თქვენი ვალი არიო!

წუხელი ჩემსა საკანში,
 თეთრად მოსილი ქალიო
 შემოდვა გაბრწყინვებული
 და მომაჩერა თვალიო!

მომმართა: „შენის გვირგვინის
 ღირსი, ხარ მოიხმარეო,
 სამი თვალი კი აკლია,
 მის შოვნაც მოაგვარეო!..“

ეს სთქვა და გაჰქრა აჩრდილი,
 საკანი ჩამობნეულდაო...



რა „სამი თვალი“ მაკლია?
 მის ცნობა გამიძნელდაო!

მითხარით, დიდებულებო!
 რას ნიშნავს მისი თქმულიო?
 თუ რომ ამიხსნით, მიიღეთ
 ჩემგან მადლობა სრულიო!..“

სასახლის კაცნი დაფიქრდნენ,
 ჩავარდნენ საგონებელსა,
 რა უპასუხონ მეფესა,
 თამარსა, მათ მბრძანებელსა?

ზოგმა რა უთხრა, ზოგმა რა,
 ზურმუხტ, იაგუნდ—ლალიო,
 ზოგმა სთქვა: „აბა, აღმასის
 რომელი არის ცალიო!“

წინ წადგა დავით სოსლანი,
 გმირულის შეხედულებით:

„მეფეო! საფიქრებელი,
 მგონი, არა გაქვს სრულებით!

საბრძანებელი დიდა გაქვს,
 მრავალი ქვეანებიო,
 ვაჭრებსა მოვატაინოთ,
 სამი ძვირფასი თვლებიო!“

ვერ გამოიცნო ვერავენ,
 მეფე დალონდა კვალადა. .
 მის გამოცნობა მხოლოდა,
 რუსთველმა იღო ვალადა!

მიესალამა მგოსანი:

„მეფეო, უძღვევლოო!
 შენ გმონებს ლეკეთ-სპარსეთი,
 შენია საქართველოო!“

ნუ გამიწყობი ეგ, თვლები,
 გგონია, სასყიდელია?!



ის ხელთ-უქმნელი თვლებია,
 მხოლოდ კი საშოვნელია!

პირველი—ობლის ცრემლია,
 პატიოსანი თვალიო
 და, რომ შეუშრო მეფეო,
 ეს არის შენი ვალიო!...

მეორე—როცა მშრომელი,
 ოფლსა ჰღვრის მოქანცულიო,
 თუ მოსავალი წაუხდა,
 ჩაეთუთქება გულიო!

უეცრად მუშის კირნახულს,
 სეტყვა რომ გაიანადგურებს,
 მას ცრემლი გადმოვარდება,
 როცა ამ სურათს უყურებს!

ის ცრემლიც ძვირი თვალია,
 ხელის-ხელ საგოგმანები,
 ვინც ანუგეშებს დაჩაგრულს,
 იგია სათაყვანები!..

მესამე—როცა მგოსანი,
 ხალხს ჰნახავს გამწარებულსა,
 უსამართლობით დევნილსა,
 ტანჯულსა, გაწამებულსა,

როდესაც აღარ ინდობენ,
 ქალ-ვაჟთა, გინა უმაწვილებს,
 მაშინ მგოსანი ხალხის კირს
 და ვარამს გაინაწილებს!

საერო ჩანგზე დაამღერს,
 ერის საშველად ცხებული,
 მაგრამ შეჰკოჭვენ მტარვალნი,
 დარჩება გაოცებული.

საპატიმროში მგოსანი,
 მწუხარედ აცრემლებული!





მის სრულად ძვირი თვალია,
 ერისგან დამტკიცებული!..

სამივ ეს არის, მეფეო,
 სათუთად მოსაპყრობიო!
 თუ შეეგუე, გვირგვინი,
 გექმნება შესამკობიო!...“


სახე გაბრწყინდა თამარის,
 დაასაჩუქრა რუსთველი:
 „შენა ხარ ქვეყნის დიდება,
 შენით იხარებს ქართველი!...“

მ. ლელაშვილი





ღაყოზ*) გულის ნადები



ოველის ღონისძიებით რომ სცდილობდე ყურადღება მიიქციო და შენ კი ზედაც არავინ შემოგხედოს, დიალაც დიდი შეურაცხყოფაა. თავმოყვარე კაცი გულს გაიხეთქავს დარდითა, მაგრამ ჯერ ერთი, მე კაცი კი არა, მხოლოდ ჩიტი გახლავართ, და მეორე თუმცა გული მეც მიფეთქს მკერდში, მაგრამ ისე ვარ შეჩვეული ყოველგვარ უსამართლობას, რომ ამ გვარ წვრილმანისათვის თავს არ შევიწუხებ.

მართალი მოგახსენოთ, ჩემი ცხოვრება გამოსამზეურებლად როდი მინდა. ვისაც თვალი აქვს ხილვად, დაინახავს, როგორა ვშრომობ და ვწვალობ ლუკმა-პურის მოპოებისათვის, მაგრამ ჭიანჭველისთვის მიუცია ბუნებას თვალი ხილვად და ყური სმენად?!...

ვინ იცის, პარველად როდის მოფრენილა ჩვენს ტურფა ქვეყანაში ჩვენი გვარი? ვის აქვს ამისათვის ან დრო, ან მოცალეობა? მე მოგახსენებთ, რასაკვირველია, რომელთაც ამის გამოკვლევა შეუძლიათ, თორემ ჩვენებურს, იცოცხლეთ, დროც ბევრი ჰქონდეს და მოცალეობაც! მაგრამ რა ჩემი საქმეა სხვისა განკიცხვა?!

დილ, იმას მოგახსენებდი, რომ ამ მშვენიერ ქვეყანას შევადარეთ თავი, გავიხადეთ საყვარელ სამშობლოდ სხვა მრავ-

*) იმერეთში ხაყო.



ვალ ჩიტებთან ერთად, რომელთაგანაც ძლიერ განვსხვავდებით ჩვენის ყოფა-ცხოვრებითა და ზნე-ჩვეულობით. შთამომავლობით ბელურას მონათესავენი გახლავართ და ძალიანაც ვგვევართ ბელურებს, რომელნიც ჩვენზე მორჩილნი არიან ტანით. სიღამაზეს თუ მკითხავთ, ჩემო მტერ-მეგობრებო, რა მოგახსენოთ? ჩემის ფიქრით, ურიგონი არ უნდა ვიყოთ, მაგრამ ამის გადაწყვეტა თქვენთვის მომინდვია. როცა გამოდინხართ სათამაშოდ ტყის განაპირაზე, ბუჩქნარში, მინდორ-ველში, დამაკვირდით და თითონა ბრძანეთ—ლამაზი ვარ თუ არა.

ამას კი თამამად ვიტყვი. რომ თვალი და სმენა კარგად მიქრის. არასოდეს ჩემ მტერს ახლო არ მივიკარებ და ამ შემთხვევაში სხვა ჩიტებსაც დიდ სამსახურს უწევ ჩემის ჩხავილით, როცა რომელიმე ონავარი ფრინველი გამოინავარდებს ხოლმე ჩემკენ. ტყუილად კი არ მეძახიან გერმანელები დარაჯს! მართლაც დარაჯად უდგევარ ჩემს მეზობელ ფრინველებს. განსაკუთრებით მძულს ბუ, მიმინო, ალალი და მზგავსნი მათნი.

ხანდახან მოკლილი მონადირეც დაგვიპირებს ხოლმე მოკვლას, მაგრამ ხშირად ტყუილ-უბრალოდ ჰკარგავს თოფის წამალსა და საფანტს, რადგან სიახლოვეს არ ვიკარებთ და შორს თოფიც ვერას გვაკლებს. ამას წინად ერთი უსაქმო, მოხეტიალე მონადირე მიუახლოვდა ჩემს ჯერ კიდევ გამოუცდელ ბარტყს. მე მოშორებით ვიყავი და შევექენ ჩხავილი, რომ ჩემი პატარა გამეფრთხილებინა. ვერ მიხვდა უგუნური ჩემს გაფრთხილებას და ის იყო ამოიღო მონადირემ მიზანში და თოფს უნდა ეგრიანა, მაგრამ გავექანე, ჩაუქროლე იმ ტოტს, რომელზედაც პატარა იჯდა, ვჰკარი მკერდი პატარას და, ჩამოვადე ტოტიდგან თუ არა, თოფმაც იგრიალა. ჩვენ ორივენი ბუჩქის ძირში გავინაბეთ და მონადირე პირში ჩაღო გამოვლებული დარჩა.

— წყეულიმც იყოს შენი სახელი! რა ოინი ინძარაოთ
 მომადება და წავიდა თავის გზაზედ. იქვე ახლოს ბუჩქნარში
 მონადირე წააწყდა ჩემის სახლიკაცისაგან ეკალზე წამოცმულ
 ბელურის ბარტყს, თავეს, ბაყაყსა და ბუხანკალს.

— არაქა, მოდით, ვინა ხართ პატრონი, რა ხდება აქაო.—
 წამოიძება. სულ ცოტა ხანში შეიკრიბნენ ამ ბუჩქთან რამ-
 დენიმე ჩვენი სოფლელთაგანი და ძალიან გაოცდნენ.

— ვის წამოუტვამს, კაცო, ეს საცოდავები ეკალზე, ან
 რად აწვალვდა ის დაწყევლილი ამ საბრალოებს?—დაეკით-
 ხნენ ერთმანეთს. ის კი არა სკოდნიათ, რომ ეგ ჩვენი ოინი
 იყო. არც ის იცის ვინმე, თუ რისთვის ვაცვამთ იმათ ეკა-
 ლზე. გავოცდი და დღემდე გაოცებული ვარ, რომ ასეთი
 ქვეიანები, როგორც ადამიანები არიან, მუდამ ჩვენ გვერ-
 დით სცხოვრობენ და დღემდე ჩვენის ზნე, ჩვეულებისა არა
 იციან რა.

დიდსაც და პატარასაც უყვარს ჩვენის სახელის ხსენება,
 ხშირად მიმინოს მოსატყუებლად და დასაქერად ჩვენ წაგვა-
 ვლებენ ხოლმე ხელს და ის კი არ იციან, თუ როგორა
 ვცხოვრობთ.

აქედამევე გატყობთ, თქვე პატარა ცელქებო, რომ არც
 თქვენ მიცნობთ რიგიანად და დღეიდან მაინც იცოდეთ, ვინ
 არის ღაფო, როგორ სცხოვრობს, რომ როცა გაიზდებით და
 სხვა და სხვა ქვეყნებში სიარულს დაიწყებთ, არ შერცხვეთ
 იმ ჩიტის უცოდნელობით, რომელიც თქვენს გვერდით იბადება,
 იზრდება, ბერდება და კვდება. არ შერცხვეთ შეთქი, გიმეო-
 რებთ, რომ იზრდებით, ბევრს რასმე სწავლობთ და ის კი არ
 იცით, თუ ვინ არის თქვენი მტერი და მოყვარე იმ ცხოველ-
 თაგან, რომელთაც მუდამ დღე უყურებთ.

ჩვენი გვარი, მაგალითად, თქვენთვის სასარგებლოა და
 ამიტომ სხვებთან ერთად ჩვენც გვეკუთვნის თქვენი ყურად-
 ლება და სიყვარულიც-კი. მართალია, ხანდახან პატარა ფრინ-
 ველებითაც გვიყვარს პირის ჩატკბანურება, მაგრამ ეს რა სა-


თქმელია იმ აუარებელ კალიებთან, მატლებთან, ქარაღებთან, მინდვრის თავგებთან, რომელთაც ჩვენ დღით დღე ვაწყობთ ტყე-მინდორში? და ეს კი თქვენთვის სასარგებლოა, რადგან ყველა ეს მწერი თქვენის ხე-ტყისა და ჭინახულის მუსუსია. მართალია, ანგელოზები არც ჩვენა ვართ ზნეობრივად. ადამიანივით, ჩვენი გვარიც ძალიან გაუტანელია. ლაქო არა თუ სხვა ფრინველს არ დაინდობს, თავისიანებსაც მტრულად ექცევა, მაგრამ თქვენ რა?

თავხედობაც ბევრი მოუნიჭებია ჩვენთვის ბუნებას, არა მარტო სიმამაცე. თავხედობაა მა რა ეშმაკია, რომ ხშირად მიმინოსა და ალაღს შევეტოკებით ხოლმე? ზოგჯერ ჩვენი ხერხიცა სჭრის, მაგრამ უშეტესად ისინი გვეჯობნიან და თავსაც ვაგებთ. ბრძოლის დროს ისეთი თავის გამეტება ვიცით, რომ ყველაფერს ვივიწყებთ. აი, იმ დღეს ჩემი მეზობელი ლაქო ბელურას ეძგერა, მოტაცებას უპირებდა, მაგრამ ისიც მამაცურად დაუხვდა და შეექნათ ომი დიცხელი. ამ დროს, აბრაშიანთ ნიკო მოდიოდა თავის ეზოსკენ და მივარდა გასაავებლიად, სტაცა ლაქოს ხელი და მოაცილა ბელურას. გალახული ბელურა ძლივს-ძლიობით წაფოფხდა და ლაქო კი ნიკომ წაიყვანა, მაგრამ როგორღაც დაუძვრა ხელიდან და ჩვენთან მოფრინდა ისევ. სულ გე-გე-გეს იძახოდა სიცილის გამოსახატავად.—რა გაცინებს?—დავეკითხეთ.—რა მაცინებს და ის საბრალო ნიკო შეზარხოშებული იყო ნუნუათი, თორემ რას ვიხსნიდი თავს იმის ხელიდანაო,—გვიპასუხა.

მართლაც საწყალი ნიკო ლოთია. იმ დღეს ექიმთან ყოფილიყო და წამლები ამოეტანა. მერე კარგი ბიჭი მაინც არ იყოს ის ცოდვის შვილი! კაცი კი არა, მარგალიტია, თუ არ დათვრა, მაგრამ თუ დათვრა, მორჩა და გათავდა! მთელს ოჯახს კი არა, უბანსაც აიკლებს, სანამ არ გაბაწრავენ. დიად, სიმამაცე, გამბედაობა და თავხედობაც კი ნიშნობლივი თვისება ჩვენის გვარისა. კვიმატი ხასიათიცა გვაქვს, დაციწვაც გვიყვარს და ამასთანავე კკუასაც ვიჩენთ. გამბედაობასთან

სიფრთხილეს ვიცი. გალობაში მაინცა და მაინც დახვეწილად ნებულნი ვერ გახლავართ, მაგრამ ამ მხრივ ჩვენც არ ვკიმავეთ ფეხებს დიდს მგოსნებთან, ისე, ცოტა რამ ჭიკჭიკი ჩვენც გვსმენია პატარა ფრთოსან მეზობელთაგან და იმათ მიბაძვით ჩვენც, დედალ-მამალი განურჩევლად, ვგალობთ ჭირ-ვარამის გასაქარწყლებლად. მადაც ყოველთვის კარგი გვაქვს, თუ საქმელმა არ გვიმტყუნა, მაგრამ აქაც კარგი ხერხი ვიცი. როცა შვივრები ვართ, იქვე შევექცევით ნანადირევს და, თუ გამაძღრები გახლავართ, დიდის მოხერხებით ვინახავთ საზრდოს. რა ულუფაც გადაგვრჩება ხოლმე, წამოვაცვამთ ცოცხლად ეკალზე. ცოცხლად იმიტომ, რომ არ დაღპეს და საქმელი არ გაგვიფუჭდეს. მართალია, ეკალზე წამოცმულნი წვალობენ, მაგრამ ჩვენ რა? სულ ერთია, დღეს თუ ხვალ, ჩვენის კუკის მსხვერპლად ხდებიან. ისიც უნდა გითხრათ, რომ საჩივარიც ჯერჯერობით არავის შეუტანია ჩვენს საქციელზე და, რომ იჩივლონ კიდევ, რას გაიტანენ?!

ივანელი





ამისთანა და ამის უარესი

(მეგრული ზღაპარი)



ყო და არა იყო რა, იყო ერთი გლეხი. გაეტანა ამ გლეხს ერთხელ კაცი და ხნავდა გზის პირად. უცბად მისმა კავმა მიწიდან ამოაგდო ოქროებით სავსე მოზდილი ქოთანი. მისდა საუბედუროდ სახნისმა ქოთანს პირი მოსტეხა. მწარედ დაღონდა ჩვენი გლეხი და ფიქრობს: „რა ვქნა, რა წყალში ჩავარდე? ხომ დამკარგავს სულით-ხორკით ამის პატრონი, ქოთანი რად გამიტეხეო!“ ამ დროს დაინახა, რომ ვიღაც მღვდელი მოათხარაკებს ჯორს. გლეხს გულზე ეფონა, ნაკურთხი კაცია და რაიმე შემწეობას აღმომიჩენს, დამარიგებსო. ფეხ ქვეშ ჩაუვარდა და ევედრება: „კეთილო მამაო, მოიღე ჩემზე მოწყალება და მიშველე რამე!“ და თან აუხსნა, თუ რა აწუხებდა. სიხარულით გაბრწყინებული მღვდელი ჩამოხდა ჯორიდან, გასინჯა ოქროებით სავსე ქოთანი, დაამშვიდა შეშინებული გლეხი და უთხრა: „თუმცა დიდი ზარალი მოგიყენებია ჩემთვის, მაგრამ არა უშავს-რა. მიპატივებია შენთვის უნებლიეთი შეცდომა, მხოლოდ არავის უთხრაო. ეს ოქროები ჩემია. შეჯდა ჯორზე და გასწია. ის იყო ამ დროს გლეხს სადილი მოუტანა მისმა ცოლმა, და, რომ შეიტყო, რაც მოჰხდა, გამოეკიდა მღვდელს, დაეწია და სთხოვა: „ჩვენო მოწყალობელო ბატონო, მამაო! რადგანაც ამისთანა სიკეთე უყა-

ვი ჩემს კმარს, აბატიე დანაშაული, მუხლ-მოდრეკით განხორცილ
პურ-მარილი დაგვილოცოთ და მით ჩვენი ბედნიერება გა-
გვიორკეცოთო!* მღვდელს ეამა, მით უფრო, რომ ჰშიოდა.
დედაკაცმა გაუშალა სუფრა იქვე ხის ჩეროში საბატიო სტუ-
მარსა და კმარს და მშვენიერის ღვინით გაუმასპინძლდა. წინ-
დაწინ კმარი კი დაარჩია, ღვინოს დაერიდებო, მღვდელს კი
აძალებდა და აძალებდა. ამასობაში მღვდელი კიდევაც დათ-
ვრა. „სულიერო შვილო, შენ ასეთი კარგი ადამიანი ყო-
ფილხარ, რომ არ მინდა ჩემი ლოცვა-კურთხევის მადლი და-
გაკლდეს: მინდა ხშირად შევავედრო შენი თავი უფალს, და
მითხარი შენი სახელიო,* ეუბნება მღვდელი. — ჩემი სახელი,
ჩემო მწყალობელო, არის **ამისთანა**, ცოტა არ იყოს დარც-
ხენით უპასუხა დედაკაცმა.

— გვარი?

— **ამის უარესი**, ჩემო ხელმწიფე.

მღვდელმა უბის წიგნში ჩაიწერა. ამასობაში კიდევაც და-
თვრა და იქვე მიეძინა. დედაკაცსაც ეს უნდოდა. სწრაფად
მარცხენა ნახევარი წვერისა და მარჯვენა ნახევარი ულვაშე-
ბისა გაუკრიპა, წაავლო ხელი ოქროებით სავსე ქოთანსა,
გაირეკა ხარები და კმარიანათ გაეშურა შინისაკენ. მღვდელს
სალამო ეამს გამოეღვიძა, და სად არიან ან დედაკაცი, ან
მისი კმარი, ან და ოქროები? ფიცხლავ მოექცა თავის ჯორს
ზურგზე და დაედევნა კოლ-კმარს. მიაქროლებს თავის ჯორს
სასაცილოდ გაკრეჭილი მღვდელი და თან ყველას ეკითხება:
„ესა და ეს ხომ არ გინახავთ?“ შეეხეჩა წინ ერთი კაცი და
ეკითხება:

— მამაშვილობას გაფიცებ, მითხარი მართალი: ხომ არ
გინახავს **ამისთანა**?

მგზავრი სიცილს ძლივს იკავებს და ამბობს: — **ამისთანა**
არ მინახავს!

— **ამის უარესი**?

— **ამის უარესი** კი უფალმა ღმერთმა ნურც მიჩვენოსო!

გულ-შეწუხებულმა მღვდელმა ისევ განაგრძო გზა და შეხვდა მეორე კაცი.

— თუ ღმერთი გწამს, მითხარი, ამისთანა ხომ არ გინახავს?

— არა, არ მინახავს ამისთანა, — იყო პასუხი.

— ამის უარესი?

— არც ამის უარესი და ნურც მიჩვენოს ჩემმა გამჩნე-
მაო, — მიუგო მგზავრი.

ახლა უფრო გაბრაზდა და თავის ჯავრს ჯორზე იყრის: საწყალ პირუტყვს სჩველეტს დეზებს და სჩველეტს. ოფლი წურწურითა სდის. შემოეყარა მესამე მგზავრი.

— შეილო, ამისთანა ხომ არ გინახავს? — ეკითხება.

— ამისთანა მეორეჯერ ღმერთმა ნუ მიჩვენოს, — და თან სიცილი ველარ შეიკავა და იცინის და იცინის.

— ამის უარესი?

— ამის უარესი არამც თუ მე, ღმერთმა ჩემს შტერსაც ნუ უჩვენოსო! მღვდელი, ხომ არ გადარეულობარ? რას გავ-
ხარ? სარკე თუ ველარ გიშოვნია, წყალში ჩაიხედე და ნახავ,
თუ რა სასაცილო გამხდარხარ!

ჩაიხედა წყალში და იმისთანა თქვენს ტერს, რაც მინ
სინახავი ნახა! შერცხვენილი და თან შეწუხებული მით, რომ
თავის უგუნურობით ასეთი სიმდიდრე დაჰკარგა, თავ-ჩაღუნუ-
ლი გაუდგა გზას.

გლეხი და მისი ცოლი დღესაც დიდებულად ცხოვრო-
ბენ.

6. ჯანაშია.





კარტოფილი

(თარგმანი)

V

კარტოფილის ავაღმყოფობა.



არტოფილი მეტად კარგი და გამოსადეგია ოჯახში, განსაკუთრებით მოუსავლობის დროს. მაგრამ მართო კარტოფილის იმედით რომ დარჩეს მიწის მუშაკი, საშიშია. კარტოფილს ზოგჯერ კირი გაუჩნდება ხოლმე და ისე ძირიან-ფესვიანად გაანადგურებს, რომ აღარა რჩება-რა. იმ მხარეში, რომელიც ევროპის სხვა კუთხეთა

შორის ყველაზე უფრო ადრე გაეცნო კარტოფილს, ესე იგი ირლანდიაში, ერთი კუთხეა, საცა უბრალო ხალხი, უნდა თუ არა, კარტოფილით იკვებება. 1846 წელს ძვირად დაუჯდა ირლანდიას ესა.

ირლანდია ერთი უუბედურესი მხარეთაგანია დედამიწაზე. იგი ერთს მშვენიერს კუნძულზედა სძევს, ინგლისის მახლობლადა და მეზობლად. ინგლისელებმა დაიმორჩილეს ირლანდიელები და მათი მიწა-წყალი თავიანთ შორის გაინაწილეს. წინანდელი. მეპატრონენი მიწისა თავიანთ საკუთარ ადგილის მოიჯარადრებდ-ლა იქცნენ. ამას გარდა, ახალი ბატონ-პატრონები უფრო მსხვილ მოიჯარადრებებს აძლევენ თავიანთ მიწებს; ეს მოიჯარადრენი კიდევ თავის მხრივ სხვა,

თავიანთ ადგილის საცოდავ ნაჭრებს საკუთარის ხეობის მკვირნი
დენ და აკეთებენ წერაქვითა და ბარით. სთესენ შვრიისა და
კარტოფილს.

შვრიის ფულით ისტუმრებენ საიჯარო გადასახადის ნა-
წილსა, დანარჩენის გასასტუმრებლად კი ღარიბებს ფუტკარი
ჰყავთ, ან უფრო ხშირად, ირლანდიელი ჰყიდულობს გოქსა,
თავის ლუკმას—კარტოფილს იმას უზიარებს, ზრდის და შემ-
დეგ ჰყიდის. თითონ მთელის ოჯახობით იმ კარტოფილით
საზრდოობს, რაც ღორის გამოკვებას გადაარჩება.

წარმოიდგინეთ, როგორ უნდა აეტანა ირლანდიელს ის
მძიმე დრო, როცა კარტოფილს მანამდე სრულიად უცნობი
სენი—სიდამპლე გაუჩნდა და მთელი ნათესობა ერთიანად გაა-
ნადგურა!

ამ საშინელ დროს განმავლობაში ირლანდიის მცხოვ-
რებთა ერთი მერვედი ნაწილი შიმშილისაგან ამოსწყდა. მე-
ორე მერვედი კიდევ ოკეანეს იქით, ამერიკაში გადავიდა.

აი რას გვიამბობს ერთი შეძლებული ირლანდიელი ამ
საშინელის სიღარიბისას.

თავისუფალი მთა ადგილები ბევრი იყო; დათესით კი მხო-
ლოდ კარტოფილი თუ დაითესებოდა. ათასში ერთხელ თუ
მოხდებოდა, რომ კარტოფილის მოსავლით გაფხვიერებულსა
და სანაქებოდ ნაპატივებს ადგილში შვრიის მოსავალს ევარ-
გნა.

ერთი დიდი ნაჭერი მიწა ავიღე მთაში და საკარტოფი-
ლედ მზადება დაუწყე: ვწმენდდი, ვაშრობდი, ვასწორებდი,
ვაპატივებდი... ორას კაცამდე დღიური მუშა მყვანდა. სხვა
მოიჯარადრებთანაც ბევრი, სხვა ქვეყნიდან მოსული, ხალხი
მუშაობდა. მაშასადამე, კარტოფილი ლუკმა ჰურის მოპოვე-
ბის ხალხს აძლევდა ღარიბ ხალხს მარტო მით, რომ ჩვენ
იმას ვთესავდით.

ჩემი საქმე კარგად დატრიალდა. მიწას ფრინველის სკო-



რეთი («გუნათი»*) ვაპატივებდი და დიდძალი მონაწილეობით კარტოფილისა მოგებით ისტუმრებდა ჩემს ხარჯსა. ჩემს ბალით გაკვირვებული იყო ყველა, ვისაც კი ენახა. ჩემს ადგილსა და აგრედვე მის მახლობლად მდებარე თავდალმართ ფერდობებს «ბედნიერი ხეობა» უწოდეს.

და, აი, ამ «ბედნიერს ხეობას» წილად ჰხვდა «ტრემლის ხეობად» გადაქცევა.

პირველს აგვისტოს 1846 წელს ამბავი მომივიდა, რომ მთელს ოლქში სულ ერთიანად ჩამოსკვნა კარტოფილის ნათესობაო. ამბობდნენ, ვითომ კარტოფილის დამპალი ღეროები საშინელს მყრალ სუნს ავრცელებს და მცენარე ფუჭდებაო.

საშინელებამ მოიცვა მთელი მხარე.

მე საჩქაროდ გავსწიე ჩემის მთისაკენ, საცა კარტოფილი მქონდა დათესილი ენახე—ბალი მშვენიერად ჰყვიაოდა. ფოთლებისა და ღეროების მწვანე ფერი კარგს მოსაეაღს მიქაღდა. სუნიც არაფრისა იდგა.

მთიდან დავეშვი და ბარში ნათესობისაკენ წავედი .. აქ ბევრს ბალში ჩამომკვნარიყო ფოთლები. ყოველს ადგილას საოცარი მყრალი სუნი იდგა. რამდენიმე ძირი კარტოფილი ამოვთხარე. ყველა გაშავებული და დარბილებული იყო. ერთის სიტყვით, ღებოდა. ზოგ ადგილას ფოთოლ-ღეროები ჯერ ისევ მწვანე იყო, მაგრამ შორიდანვე საძაგელი სუნი მოდიოდა.

— ნეტავი მთა მაინც გადარჩებოდეს! ვფიქრობდი გულგაშფოთებული და ყოველ დღე ვათალიერებდი ამ ადგილებს. სალი და მშვენიერი მწვანე მცენარე დიდხანს მახარებდა ძველებურად.

*) «გუნათს» აგროვებენ უმთავრესად ზღვის კუნძულებსა და კლდეებში რომელნიც საესე არიან ფრინველთა ბუდეებით. ამ კლდეებს ამიტომაც ეწოდა «ფრინველთა მთა». ბევრი დაწერილებითი ცნობა ამის შესახებ მოიპოვება ჯან მ. სლუპკოვას წიგნაკში: «ნორვეგიის ამბები».

მთხთა ოლქები. იქ მამაკაცები, დედაკაცები და ბავშვები სარეზერვუო ლიად უპატრონოდ იხოცებოდნენ თავიანთ ქობებსა და შინდერებში, იხოცებოდნენ გზებზედ, ღონე აღარა ჰქონდათ ქალაქამდე მიღწევისა. ზოგი, როგორც იყო, ახერხებდა ქალაქამდე მისვლას საქმლისათვის... მაგრამ ქუჩებში იხოცებოდნენ. ზოგი სასოწარკვეთილებას მიცემული ოჯახი, რაკი ჰხედავდა, ხსნა აღარსაიდან არისო, ხმა-ამოუღებელივ ელოდებოდა შიმშილით სიკვდილს!

ყველა ეს ხმები ჩემამდე აღწევდა. გასაწყლებულა ხალხი მწარედ იტანჯებოდა: ასევე სასტიკად იტანჯებოდნენ ჩემს ახლო მყოფნიც, მაგრამ ტანჯვასა და შიმშილით სიკვდილს შუა დიდი განსხვავებაა! ჩემამდე მოსული ამბები მეტად საშინლადა და დაუჯერებლად მეჩვენებოდა. შევკრიბე ამხანაგები და გადავწყვიტეთ წავსულიყავით შორეულს ოლქებში „დამშეულებთან“ იმ იმედით, რომ რაიმე დახმარება აღმოგვეჩინა. წავედით.

დამშეულ სოფლებამდე კიდევ სამი-ოთხი საათის სასიორულო გზა გვქონდა დარჩენილი, რომ ქუჩაზე მოთამაშე ბავშვებს ველარა ვხედავდით. მისუსტებული და ავადმყოფი ბავშვები თავთავის ქობის კარებიან იყვნენ ჩამოშხდარნი.

აი, მივედით ყოველად უბედურს უბანში. ასობით მშიერნი შემოგვეხვივნენ გარსა. ბევრს მომაკვდავი შვილი ჰყავდა ხელზე გადასვენებული.

ერთს სახლში შევედით. ჩვენთან ექიმი იყო.

— შეჰხედეთ—გვითხრა ექიმმა.—ვინ იფიქრებს, რომ ეს ბავშვი ცოცხალია?

ექიმმა ლოგინიდან აიყვანა რალაც ტყავ-გადაკრული ძვლები. ფეხები ჩერებივით ეკიდა.

— ასეთი ბავშვები ბევრია აქა. ახლა რაც უნდა ეცადოთ, როგორც უნდა ასაზრდოვოთ, ეგენი ერთს თვესაც ველარ იცოცხლებენ. მაგათ „შიმშილის ციება“ სჭირთ. ეს ციება უჯიათია. სიკვდილის კარამდე მიჰყავს აღამიანი.

მეორე სახლში შევედით. დედ-მამა შინ არ მყოფნიან. მამა სამუშაოდან დაბრუნებულ იყო სახლში და სისუსტით გახდა მომკვდარიყო. დედა წავიდა საკმლის საშოვნელად. დედის შინ არ ყოფნის დროს მოკვდა უფროსი, ჩვიდმეტის წლის, ვაჟი. პაწაწა ბავშვი კუთხეში იდო მკვდარი. იქვე ორი ბავშვი ძღვეს-ლა ითქვამდა სულსა. უკვე ოთხი დღე იყო თურმე, რაც მხოლოდ მოხარშულ შვრით იკვებებოდნენ.

მესამე სახლში მთელი სახლობა—დედა, მამა და ხუთი შვილი შიმშილის მეოხებით ნეღ-ნეღა ესალმებოდნენ წუთი სოფელს.

ამ სოფლის მცხოვრებნი ვანუგეშე, ქალაქიდან მოაქვეთ თქვენთვის პური მეთქი და ახლა სხვა სოფლისაკენ წავედით. ამ სოფელშიაც ისეთივე სურათი დაგვიხვდა. აქ კუბოები აღარ ჰყოფნოდათ მკვდრებისათვის, ღურგალს აუარებელი კუბოები ჰქონდა გასაკეთებელი.

ქუჩის ერთს კუთხეში ორი კუბო დავინახე „ღარიბთათვის.“ ამ კუბოების ძირი ერთის მხრით რკინის კოკებით იყო მიმაგრებული, მეორეს მხრით ჩანგლით. მიცვალებულს ჩასდებდნენ ამ კუბოში და ერთს დიდს საერთო სამარეში ჩაუშვებდნენ. აქ ჩანგალს გამოსხლეტდნენ, მკვდარი კუბოს ძირიდან ქვემოდ ჩავარდებოდა, ხოლო კუბო ისევ ზემოთ ამოჰქონდათ, რომ ამით საერთო სასაფლაოზე კიდევ მიეტანათ მეორე მკვდარი, მესამე, მეოთხე... და ასე უანგარიშოდ.

სხვა სოფლებში ასეთი კუბოებიც კი მიუწვდომელ დიდებად ითვლებოდა. მიცვალებულნი მთელის კვირაობით ეყარნენ იქვე, საცა სიკვდილი მოასწრობდათ. დედებს მკვდარ შვილთა გვამები მხარზე გადებულ მიჰქონდათ საერთო ორმომდე. ეს ორმო-სამარე ითხრებოდა მინდვრებში, ბოსტნებში.

ეს საშინელებანი შესაძლებელია სხვა საშინელებებზე უსაზარლესნი არ იყვნენ, მაგრამ სხვა საზარლობისა აღარა მინდა რა ვთქვა.



დიად, კარტოფილის მოუსაველობამ დიდძალი ხალხი სტუმრა სიჩიოს. და კიდევ უფრო მეტი გაისტუმრნეს იქით, შორეულს ამერიკაში. ამერიკაში წავიდა ხალხი პურიისა და სამუშაოს საძებრად. შიმშილობის წელიწადს შემდეგ, დიდმა ხანმა განვლო, რომ წელში ვერ გაიმართა ხალხი. კიდევ რამდენსამე წელიწადს უთავშესაფაროდა და უარაოდ დაწანწალებდა ჩვენი მათხოვრად ქცეული, სწეული და ლატაკი ხალხი.

ერთმა მეტად მდიდარმა მემამულემ გამოაცხადა, ყველა ღარიბს, რომელიც კი ჩემს ადგილებზე დგას, მახლობელ ქალაქის სამადლო სახლში შევინახავ ჩემის ხარჯითაო.

რაკი მეც დაზარალებული ვიყავი კარტოფილის სენითა, მეურნეობისათვის თავი უნდა გამენებებინა. ასეც მოვიქეცი და მოურავად დავდექი ამ მდიდართან.

— თქვენ რომ ყველა ღარიბნი არჩინოთ, ამას მამული ვერ აიტანს—მოვახსენე ჩემს ბატონსა.

— მაშ, შიმშილს ხომ ვერ მიეუგდებთ ამოსაწყვეტად.

— დიად, მაგრამ თქვენ თქვენის ხარჯით გაჰგზავნეთ ყველა ამერიკაში წასვლის მსურველი. ყველას მიეცით ცოტ-ცოტა, რომ იქ მოეწყონ.

— რას ამბობთ, მაგას უანგარიშო ფული უნდა.

მე და ჩემმა ბატონმა ვითათბირეთ ამ საქმეზე. აღმოჩნდა, რომ უფრო ადვილი იყო ერთგზობისად მისცემოდათ საგზაო ხარჯი, ვიდრე წლითი-წლობით ერჩინა საცოდავ ლატაკთა ბრბო ქალაქის თავშესაფარში.

ჩემი ახალი ბატონი, არა თუ მარტო მდიდარი, ამასთანავე კაცთმოყვარეც იყო. დაუყოვნებლივ გამოიღო ასი ათასი მანეთი, ამერიკაში წამსვლელ ღარიბთათვის სამგზავრო ხარჯად.

თავშესაფარში მყოფთ გამოუცხადე ეს ამბავი. პირველად არაეინ დაიჯერა ჩემი სიტყვა. მაგრამ როცა დარწმუნ-


დნენ, ყველამ მოინდომა წასვლა. ამერიკაში იმ დროს შერეული იყო შა ხელი ნაკლებად იყო და შრომის ფასს კარგს აძლევდნენ.

ყოველს კვირაში ორას კაცსა ვგზავნიდი. წლის გასულს თავშესაფარში სამოცზე მეტი ღარიბი აღარ დარჩენილა.

წამსვლელებს ეძლეოდათ რიგიანი ტანისამოსი. თუმცა ამაებს ისინი „შემდეგისათვის“ ინახავდნენ და ჩამოვლევჯილ-ჩამოფლეთილნი მზიარულ ბრბოებად დადიოდნენ ქუჩებში. ყველა შორდებოდა შიმშილსა და უსაქმობას და მომგებიან შრომისათვის მიეშურებოდა შორს ქვეყანაში.

განდგეილი

(დასასრული)





წმ. პერონიპას ჩადრი

(სელმა ლავერლევისა *)



ოდესაც ახალგაზრდა ქალმა გამოიღვიძა, უკვე ნათელი დღე იყო. მხევალი ქალებიც აქვე იდგნენ და თავიანთ ქალბატონის ბრძანებას მოელოდნენ.

იგი ძლიერ მღუმაღრე იყო, სანამ ტანთ მოსაედნენ, მაგრამ ბოლოს

ჰკითხა მხევალს, რომელიც თმას, ვარცხნიდა: ადგა უკვე ჩემი შეუღლე თუ არა? გაიგო, რომ დაიბარეს სასამართლოში, სადაც ვილაც დამნაშავეის საქმე ირჩეოდა?

— ნეტავ მენახა, — სთქვა ყმაწვილმა ქალმა.

— ქალბატონო, ეს ძნელი მოსახერხებელია საქმის გარჩევის დროს, — უთხრა მხევალმა: — მოგახსენებთ, როცა საქმე დაბოლოვდება.

დადუმებული იჯდა, სანამ ჩააცვებს. შემდეგ ჰკითხა: ხომ არავის გაუგია — რა ნაზარველ წინასწარმეტყველისა?

— ნაზარველ წინასწარმეტყველი — ებრაელი სასწაულთმოქმედი, — მაშინვე უპასუხა ერთ-ერთმა მხევალმა.

— საკვირველია, ქალბატონო, რომ სწორედ დღეს კითხულობთ იმის ამბავს, სთქვა მეორე მხევალმა: — სწორედ ის მოიყვანეს დღეს ებრაელებმა, რომ მართველმა გამოიძიოს იმისი საქმე.

ახალგაზრდა ქალმა ბრძანება გასცა დაუყოვნებლივ წასულიყვნენ სასამართლოში და გაეგოთ, თუ რა ბრალსა სდებ-

*) იხ. „ნაკადული“ № 7.

დნენ წინასწარმეტყველს? ერთი მოხელე იქით გაემართა დაბრუნებულმა მოახსენა:

— ბრალად სდებენ უბედურს, გინდოდა შენი თავი ამ ქვეყნის მეფედ გამოგეცხადებინაო, და მმართველს ევედრებიან, ჯვარს აცვიო.

ეს რომ გაიგო მმართველის მეუღლემ, ძლიერ შეშინდა და სთქვა:

— უთუოდ უნდა მოველაპარაკო ჩემს ქმარს, თორემ საშინელი უბედურება დატრიალდება.

როდესაც მხევალმა კვლავ მოახსენა, — ახლა ყოველად შეუძლებელიაო, — აკანკალდა და ტირილი დაიწყო. ამ სანახევით გულ-აჩუყებულმა ერთმა მხევალთაგანმა მოახსენა:

— ქალბატონო! თუ მმართველთან ბარათის გაგზავნას ინებებ, ვეცდები გადავსცე როგორმე.

მმართველის ცოლმა აიღო კალამი და რამდენიმე სიტყვა დასწერა გასანთლულ ფიცარზე. ეს გადასცეს პილატეს. მაგრამ მართოდ მაინც ვერა ნახა, რადგან, როცა მან ურიები დაითხოვა და იესო დანიშნულ ადგილას წაიყვანეს დასასჯელად, სადილის დრო იყო და პილატემაც იერუსალიმში მყოფი ზოგიერთი რომაელი მიიპატიჟა. აქ იყვნენ ჯარის უფროსები, მკვერმეტყველების ახალგაზრდა მასწავლებელი და კადევ სხვები.

ნადიმი არც ძლიერ მხიარული იყო. მმართველის მეუღლეს გულ-ჩათხრობილი იყო და არავითარ მონაწილეობას არ იღებდა ბაასში.

როდესაც სტუმრებმა იკითხეს, ავად ხომ არ არის, ან რითიმე გულ-ნატყენიაო, — მმართველმა სიცილით უამბო ბარათის ამბავი, თან მასხარად იგდებდა ცოლს, — რამ ვაფიქრებინა, რომ რომის იმპერატორის მოადგილეს იხელმძღვანელებს ქალის სიზმრებითაო!

ცოლმა წყნარად და ნალღლიანად უპასუხა:

— დარწმუნებული ვახლავარ, რომ ეს სიზმარი კი არა, ღმერთების განგება იყო. ხომ შეგეძლოა სიცოცხლეს გეჭუქებინა იმ ადამიანისათვის ერთის დღით მაინც: დასჯას ხვალაც მოასწრებდი.



ყველა ჰხედავდა, რომ ქალი მართლაც დანაშაულობდა. ბული იყო: ვერა და ვერ გაამხიარულეს, თუმცა სტუმრები სცდილობდნენ საინტერესო ბაასით დაევიწყებინათ თავისი სიზმრები.

რამდენისამე ხნის შემდეგ ერთმა სტუმართაგანმა უკან მიიხედა და წარმოსთქვა:

— ეს რასა ჰნიშნავს? ნუ თუ ისე დიდხანს ვსხედვართ სადილად, რომ უკვე ბინდდება?

მიიხედეს და დაინახეს, რომ ბინდს მოეცვა არე-მარე. უფრო თვალსაჩინო ის იყო, რომ ფერთა სრბოლა სხვა და სხვა საგნებზე მეტად მკრთალი იყო, ასე რომ ყველაფერს ერთნაირი ნაცრის ფერი ედო.

საგნებთან ერთად მოსადილეთა სახესაც დაეკარგად ფერი.

— დააკვირდით, მიცვალებულის ფერი გვადევს ყველის! თავზარდაცემულმა წამოიძახა ახალგაზრდა ორატორმა: ლაწვს ნაცრის ფერი აქვს, ბაგე კი გაგვშავებია!..

რაც უფრო ძლიერდებოდა ბინდი, ახალგაზრდა ქალის ძრწოლაც მატულობდა.

— ოჰ, ჩემო მეგობარო, — წამოიძახა მან, — ნუ თუ არც ახლა დარწმუნდები, რომ უკვდავთ შენი გაფრთხილება სურთ? განრისხებულნი არიან, რომ სიკვდილით დასჯა გადაუწყვიტე წმიდასა და უდანაშაულო ადამიანს. მე ვგონებ, თუნდა უკვე მილურსმული იყოს ჯვარზე, მაინც არ დალევა სულს. უბრძანე, გარდამოხსნან! მე მსურს ჩემის ხელით მოვეურჩინო წყლულები. დამითმე, მაჩუქე მისი სიკოცხლე!..

მაგრამ პილატემ ღიმილით უპასუხა:

— რა თქმა უნდა, მართალი ხარ, რომ ამაში ღმერთთა წინასწარ განგებას ჰხედავ, მაგრამ არ მოუსპობენ იგინი მხეს ბრწყინვალებას მარტო იმიტომ, რომ ებრაელ ცრუ-მოძღვარს ჯვარცმა მიესაჯა. უფრო საყურადღებო ცვლილებას უნდა მოველოდეთ, რომელიც მთელს იმპერიას შეეხება... ვინ იცის, როცა მოხუცი ტიბერი...



პილატემ ვერ დაამთავრა სიტყვა, რადგან აღმოჩნდა, რომ ადრე გამეფდა ირგვლივ, რომ თავის ჭიქასაც ველარ ჰხედავდა. შესწყვიტა სიტყვა და უბრძანა მონებს, მოეტანათ სანათი.

როდესაც ისე განათდა, რომ შესძლო სტუმართა დანახვა, შეამჩნია, ყველა ცუდს გუნებაზეა.

— ჰხედავ, — უთხრა უკმაყოფილოდ ცოლს: — შენ გაგვიმწარე შენის სიზმრებით ნადიმის სიტკბოება. მაგრამ, თუ კი სხვა ვერაფერზე შეგიძლია დღეს ფიქრი, გვიამბე მაინც, რა ნახე სიზმრად. მოვისმენთ და ვეცდებით ავხსნათ იმათი მნიშვნელობა.

ცოლი მაშინვე დასთანხმდა. სანამ თავის სიზმრებს უამბობდა, სტუმრები თანდათან ფიქრში შედიოდნენ. თასებს აღარ სკლიდნენ და სმენად იყვნენ გადაქცეულნი. ერთადერთი, რომელიც ისევ იცინოდა და სისულელედ სთვლიდა ამ სიზმრებს, — იყო თვით მოადგილე მეფისა.

როცა სიზმრის ამბავი დათავდა, ახალგაზრდა ორატორმა სთქვა:

— დიად, ეგ სიზმარზედ მეტია, რადგანაც, მე თვითონ თუმცა იმპერატორი არ მინახავს დღეს, სამაგიეროდ ვნახე, რომ ქალაქში შემოვიდა იმპერატორის ძველი მეგობარი, ფაუსტინა. მხოლოდ ის მაკვირვებს, რომ აქამდე არ მობრძანებულა მოადგილის სასახლეში.

— მართლაც, ხმა დადის, იმპერატორს საშინელი სენი სკირსო, — დაუმატა სარდალმა, — და, ვგონებ, რომ შენის მეუღლას სიზმრები ღმერთების განგებაა.

— არც დაუჯერებელია, რომ ტიბერის გამოგზავნოს ვინმე წინასწარმეტყველთან და შეველა ეთხოვნოს, — დაეთანხმა ახალგაზრდა ორატორი.

ჯარის უფროსმა უთხრა პილატეს:

— თუ იმპერატორს მართლაც სურს ამ სასწაულთ-მოქმედის მიწვევა, თქმა არ უნდა, უკეთესი იქნებოდა შენთვის



და, საზოგადოდ, ყველა ჩვენთვისაც, რომ იგი კონკრეტული
დახვედროდა.

პილატემ უკვე განრისხებით უბასუხა:

— სიბნელემ ბავშვებად ხომ არ გაქციათ? ადამიანს ეგონება, ყველანი სიზმრების ამხსნელებად ან წინასწარმეტყველებად გამხდარხართ.

მაგრამ სარდალი მღელვარებას გაეტაცა:

— იქნება ჯერ კიდევ შეიძლება იმ საცოდავს სიცოცხლე დაუბრუნდეს, უკეთუ საჩქაროდ გაგზავნი შიკრიკს.

— თქვენა გსურთ, რომ მე ყბად-ასაღები გავხდე აქაურ მკვიდრთათვის!—უბასუხა პილატემ:—დაფიქრდით, როგორი იქნებოდა წესიერება და კანონიერება ამ ქვეყანაში, როდესაც გაიგებენ, რომ მოადგილემ შეიწყალა დამნაშავე, რადგანაც მისმა ცოლმა აეი სიზმარი ჰნახაო?

— მე რომ ფაუსტინა იერუსალემში ვნახე, ეს ნამდვილია და არა სიზმარი,—მოახსენა ახალგაზრდა ორატორმა.

— ჩემისაქციელის პასუხს მე თვითონ ვაგებ იმპერატორის წინაშე,—სთქვა პილატემ,—ის თვითონაც მიხედება, რომ ამ ოცნებით გატაცებულ კაცს, რომელიც ხმა ამოუღებლივ ატანჯვინებდა თავს ჩემს მონებს, არც იმდენი ძალა ექნებოდა მის დასახმარებლად!

იმ დროს, როდესაც წარმოსთქვა ეს სიტყვები, მთელი სასახლე შეიძრა უცნაურ გუგუნისაგან, რომელიც ქუხილივით გრგვინავდა, და ინძრა მიწა. მმართველის სასახლე დაუზიანებლად გადარჩა, მაგრამ გუგუნის შემდეგ ყოველ მხრიდან დაქცეულ სახლებისა და განადგურებულ სვეტების თავზარდამცემი გრილი ისმოდა.

როდესაც შესაძლებელი გახდა ადამიანის ხმის გაგონება. მოადგილემ მოიხმო მონა.

— საჩქაროდ გაქმურე გოლგოთას და გადაეცი ჩემი ბრძანება,—ჩამოხსნან ჯვრიდან ნახარვევლი მოციქული!



მონა მაშინვე გაემართა. შეკრებილი საზოგადოება სასწრაფოდ ილო ოთახიდან აივანზე გავიდა, რომ გარედ ყოფილიყვნენ, თუ კვლავ განმეორდებოდა მიწის ძვრა. მონის დაბრუნების მოლოდინში ხმის ამოდებას ვერაფერს ვხედავდა.

მონა მალე დაბრუნდა.

— ცოცხალს მიუსწარი, თუ ვერა? — ჰკითხეს უკანასკნელს.

— ბატონო, — მოკვდა, და იმ დროს, როდესაც სული აღმოხდა, დედამიწა იძრა.

ამ დროს კარი დაარაკუნეს. ამ ხმაზე ყველანი შეკრთნენ და ზეზე წამოცვივდნენ, თითქო ხელახლად იძრა მიწა.

შემოვიდა მონა:

— კეთილშობილთ ფაუსტინას და სულპიცის, იმპერატორის მახლობელთ, მოადგილის ნახვა სურთ. რომიდგან მობრძანებულან და დაძარება უნდა სთხოვონ. ბატონს, ნახარვეელი წინასწარმეტყველი გვიპოვნეო.

აივანზე წელი ოხვრა და წყნარი ფეხის ხმა მოისმა. როდესაც მოადგილე მიუბრუნდა, დაინახა, რომ მეგობრები განზე გასდგომოდნენ, რაიცა ცხადი ნიშანი იყო კარზედ მომდგარ უბედურებისა.

მოხუცი ფაუსტინა ისევ იტალიაში დაბრუნდა და იმპერატორს ეახლა. ყველაფერი დაწვრილებით მოახსენა და, ვიდრე ლაპარაკობდა, ძლივს მოიკრიბა ძალა, პირი-სახეზედ შეეხრდნა. ფაუსტინას შორს ყოფნაში სენს მძლავრად წაეწია წინ, და მოხუცმა გაიფიქრა: „ღმერთებს რომ შებრალება ჰქონდეთ, ჯერ მე მომკლავდნენ; ძალა უნებურად უნდა უთხრა ამ უბედურ ტანჯულს, რომ ყოველივე იმედი დაკარგულია!..“

მაგრამ ძლიერ გაკვირებული იყო, რომ ტიბერი სრულის გულ-გრილობით ისმენდა მის ნაამბობს. როდესაც მოახსენა, ძლიერი სასწაულთმოქმედი სწორედ იმ დღეს აცვეს ჯვარსა, როცა იერუსალიმს მივდით და აღვილად შემეძლო მისი ხსნაო, ცრემლები მოერიო. მაგრამ ტიბერიმ უთხრა:



— ოჰ, ძლიერ სამწუხაროა, რომ ჯერაც არ აღმოჩენილია ხერია გულიდან რწმენა მკითხავეებისა და სასწაული მომქმედთაღმში, რომელიც ბავშვობიდანვე თან ჩამოგყვა რაბინის მთებიდან.

მაშინ მიხვდა ფაუსტინა, რომ ტიბერი არასოდეს არ მოელოდა ხსნას ნაზარეველ წინასწარმეტყველისაგან.

— მაშ, რაღად მომეცი ნება შორს ქვეყანაში მოგზაურობისა, თუ კი იმედი არა გქონდა იმ კაცისა?

— შენ ერთად ერთი მეგობარი ხარ ჩემი, — უპასუხა ტიბერიმ: — რად უნდა მეთქვა უარი, როცა შემეძლო ასრულება შენის სურვილისა?!

მაგრამ მოხუცს არა სჯეროდა, რომ იმპერატორი მართო მის სურვილს აჰყვა.

— უცნაური ხასიათი გაქვს, — უთხრა მოხუცმა: — ნეტავი ვგ არ იცოდე!

— უკეთესი იქნებოდა, რომ სრულიად არ დაბრუნებულყავ, — სთქვა ტიბერიმ, — უნდა დარჩენილიყავ სამშობლო მთებში.

ერთ წაშს ისე ეგონებოდა ადამიანს, რომ ეს ორი ადამიანი, რომელნიც ასე ხშირად ეკამათებოდნენ ერთმანეთს, ისევ მკვახე სიტყვებით მიჰმართავენ ერთმანერთს, მაგრამ მოხუცის გულის წყრომა შალე გაჰქრა. წავიდა ის დრო, როდესაც ძლიერის თავგამოდებით იცავდა თავის აზრსა და რწმენას იმპერატორის წინაშე, ისევ ლმობიერ კილოს მიჰმართა, მაგრამ მაინც არ შეეძლო უარეყო თავისი სიმართლე:

— ის ადამიანი მართლა წინასწარმეტყველი იყო, — განაგრძო მოხუცმა. — თვითონ მე ვნახე საბრალო. როდესაც თვალი მოვკარით ერთმანერთს, ვიგრძენ, რომ ის ღმერთი იყო. აღბად გონება შემერყა, რომ ვერ შევედელ მისი დახსნა.

— მიხარის, რომ ვერ შესძელ, — სთქვა ტიბერიმ: — იგი დამნაშავე იყო იმპერატორის წინაშე და მეთამბოხე.

ფაუსტინა განრისხებას ლამობდა.



— ბევრს იმის მეგობარს ვებაასე იერუსალემში, სანაქვეს მოხუცმა, — არავითარი დანაშაული არ მიუძღვის, თუმცა შრავალ ბრალს სდებენ.

— თუნდა არავითარი დანაშაული არა ჰქონოდა, ამით მაინც სხვაზედ უკეთესი არ იქნებოდა, — წაიბუტბუტა იმპერატორმა. — სად არის ისეთი ადამიანი, რომელსაც მთელ თავის სიცოცხლის განმავლობაში ათასჯერ მაინც არ დაემსახურებინოს სიკვდილი?

იმპერატორის ამ სიტყვებმა აიძულა ფაუსტინა მოქცეულიყო ისე, როგორც სწადდა და აქამდე-კი ყოყმობდა.

— მაინც მინდა თვალწინ დაგიყენო მისის სასწაულგებრივის ძლიერების მაგალითი, — სთქვა მან. — წინადაც შითქვაჰს. რომ სახეზე ჩემი ხელსახოცი მივაფარე. ეს სწორედ ის ხელსახოცია, რომელიც ამ ჟამად ხელში მიჭირავს. ერთ წუთს მაინც შეჰხედე. არ ინებებ?

ფაუსტინამ გადაუშალა იმპერატორს ხელსახოცი. ტიბერიმ დაინახა ზედ ადამიანის სახის შკრთალი გამოხატულება.

ხმა მღელვარებისაგან უკანკალებდა, როდესაც მოთბობას განაგრძობდა:

— ეს კაცი ჰხედავდა, რომ მე მიყვარს იგი და გული მისდამი სიბრალუღითა და რწმენითა მაქვს სავსე. არ ვიცი, რა საშუალებით დამიტოვა მან თავისი სახის სურათი. მაგრამ თვალებზე ცრემლი შერევა ხოლმე ყოველთვის, როცა ამ სურათსა ვხედავ.

იმპერატორი დაიხარა და დაუწყაო სინჯვა სახეს, რომელიც თითქო სისხლით, ცრემლით და ტანჯვის შავი ჩრდილებით იყო ამოქსოვილი. თანდათან მთელი სახე ირკვეოდა იმპერატორის თვალწინ ისე, როგორც ხელსახოცზე აღბეჭდილიყო. ჰხედავდა სისხლის წვეთს შუბლზე, ეკლიან გვირგვინს. სისხლითა და ოფლით შემზმარ თმას და პირს, ტუჩები კი თითქო უკანკალებდა ტანჯვა წამებისაგან.



თანდათან უფრო წინ იწევდა იმპერატორი და ხარბად აცქერდებოდა. უფრო გარკვევით გამოჩნდა სახე. უცებ დაინახა, რომ ნახევრად გამოურკვეველ შემოხაზულობიდან გამოიხედა ტანჯულის სიცოცხლით გაბრწყინებულმა თვალებმა. და იმ დროს, როდესაც ეს თვალები უამბობდა უღრმეს ტანჯვა-წვალებას, ამასთან ერთად უჩვენა სიწმინდე და სულიერი სიმართლე, რომელიც იმპერატორს ჯერ არსად ენახა წინად.

საწოლში იწვა და თვალს არ აშორებდა სურათს.

— განა ეს ადამიანია? — იკითხა მან წყნარად და თავდაბლად: — ნუ თუ ეს ადამიანია?!

კვლავ დადუმდა და მწოლარე ათვალიერებდა ნახატს. ცრემლი წამოუვიდა თვალთაგან.

— ვტირი შენს სიკვდილს, ჰოი, უცნობო! — ჩურჩულებდა იმპერატორი. — ფაუსტინა, — რად მიეცი ნება დაესაჯათ? ჩემი განკურნება მართო იმას შეეძლო!

და კვლავ ხარბად მიაპყრა თვალი სახესა.

— ოჰ, შენ ადამიანი ხარ! — სთქვა პატარა ხნის შემდეგ: — თუ არ შეიძლება შენგან განკურნებას ველირსო, შენის სისხლის აღება ხომ შემიძლიან! მძიმედ მოხვდება ჩემი ხელი იმას, ვინც მომაშორა შენი თავი!

დიდხანს დადუმებული იწვა, ბოლოს ბრძანა, ჩამოიღეთ ეგ სახე ძირსაო. წამოდგა და მუხლი მოიდრიკა სურათის წინაშე.

— შენ ადამიანი ხარ, — სთქვა მან. — შენ ხარ ის, ვის ნახვის იმედი სრულიად დავკარგე სიცოცხლეში.

შემდეგ თავისი თავი გაითვალისწინა, თავისი დამახინჯებული სახე წარმოიდგინა, დაიარავებულს ხელებზე დაიხედა და სთქვა:

— მე და ჩვენ ყველანი მზეცები ვართ, მხოლოდ შენა ხარ ადამიანი!



ისე დაბლა მოიხარა თავი სურათის წინაშე, ^{მარტო მესწამს}
ლი მიწას შეახო.

— შემოწყალე, ჰოი, უცნობო!—და იმპერატორის ცრემლი იატაკის ქვებს დაენამა.—ცოცხალი რომ იყო,—მართოდენ შენი შეხედვა განმკურნავდა!

საბრალო მოხუცს თავის საქციელისა ეშინოდა. „უკეთესი იქნებოდა, რომ სულაც არ მეჩვენებინა იმპერატორისათვის ნასახი“,—გაიფიქრა მან. იმ თავითვე ეშინოდა მოხუცს, მისი ტანჯვა მაშინ უფრო გაძლიერდება, როდესაც მის სახეს იხილავსო.

იმპერატორის მწუხარებით გულჩათუთქული ეცა მოხუცი ხელახოცს, რომ ბოლო მოელო ამ საშინელებისთვის.

იმპერატორმა პირი მოიბრუნა...—მისი სახე შეცვლილიყო და ისევე ისეთი იყო, როგორც ავადმყოფობამდე. სენი თითქო სისხლ-ხორცში ჰქონდა გამჯდარი, ზიზლითა და მძულვარებით იყო სავსე მისი გული ადამიანისადმი, ეს სენი უნდა გამქრალიყო იმ წამსვე, როდესაც სიყვარულმა და სიბრალულმა გაათბო მისი გული.

მეორე დღეს ტიბერიმ სამი შიკრიკი გაგზავნა.

პირველი გაემგზავრა რომს და გადასცა სენატს ბრძანება, დაენიშნათ გამოძიება იმის შესახებ, თუ როგორ ასრულებს პალესტინის მმართველი თავის თანამდებობას, და დაესაჯათ, უკეთუ აღმოჩნდებოდა, რომ ავიწროვებს ხალხს და სიკვდილით სჯის უდანაშაულოებს.

მეორე გაგზავნილ იქმნა მევენახესა და მის ცოლთან, რომ მადლობა გადაეხადა რჩევისათვის, დაეჯილდოვებინა იგინი და ამასთანავე ეცნობებინა ყოველივე დაწვრილებით.

ბოლომდის მოისმინეს ამბავი და ატირდნენ; ქმარმა კი სთქვა:—სიკვდილამდე იმის ფიქრში ვიქმნები, თუ რა მოხდებოდა, რომ ერთმანეთს შეხვედროდნენ იესო და ტიბერიო.

მაგრამ შეუღლე უპასუხა: — სხვა გზა არ იყო. რა უნდა გე
 მოსადგენია მათი შეხვედრა? უფაღმა იცოდა, რომ არ შეიწყნარებდა მას.


მესამე შიკრიკი გაემგზავრა პალესტინას და მოიყვანა
 კაპრინზედ ქრისტეს რამდენიმე მოწაფე; მათ იწყეს ქადაგება
 იმ მოძღვრებისა, რომელიც ჯვარცმულმა მოიტანა.

როდესაც მოწაფენი კაპრიზე მოვიდნენ; ფაუსტინა უკვე
 სიკვდილის პირად იყო. მაგრამ მაინც შეუერთეს იგი ძლიერ
 წინასწარმეტყველის მორწმუნეთა რიცხვს და ნათელ სცხეს.
 ნათელ ცხებაზე დაერქვა ვერონიკა, რაიცა ნიშნავს — „ქეშმა-
 რიტს ნასახს“, რადგანაც იმას ხვდა წილად მოეტანა ხალხისა-
 თვის მაცხოვარის ქეშმარიტი გამოხატულება.

პ. დ — ძე

(დასასრული)





მიწის კვრა



უნების მოვლენათა შორის სუყველაზედ მძლავრი და ადამიანისთვის დიდის უბედურობის მომტანი მიწის ძვრა არის. თვალი რომ გადავავლოთ წარსულ დროს, დავინახავთ, რომ არა ერთი და ორი ქალაქი და სოფელი გაუნადგურებია ამ საშინელ მოვლენას. აუარებელი ხალხი დაღუპულა და დამარხულა შთ ნანგრევებში. სუყველაზე ძლიერი მიწის-ძვრა, რომლებიც კი ახსოვს კა-

კობრიობას, იყო პორტუგალიის სატახტო ქალაქ ლისაბონში და სიცილიის ქალაქ მესინაში მის მახლობელ ადგილებში თურთ. აი რას მოგვითხრობს ლისაბონის მიწის-ძვრის მხაზველი: ეს უბედურობა ქალაქს ეწვია 1755 წელს, ნოემბერში. დილის რვა საათი იყო, როდესაც მიწიდან მოისმა ქუხილის მსგავსი გრვეინვა. ცოტა ხანს უკან საშინლად შეიძრა მთელი ქალაქი. რვა წუთის განმამავლობაში მიწის ზედა პირი ერთის ადგილის სიმაღლეზე აღიოდა და დადიოდა მომეტებული ნაწილი სახლებისა დაინგრა. რომლებიც კი გადაარჩნენ, ისინიც ირყეოდნენ; რადგანაც მოსალოდნელი იყო, რომ ყოველ წუთს დაინგროდნენ, თავზარ დაკეშული ხალხი საჩქაროდ გამოეცალა ამ შენობებს და ზღვის სანაპიროსკენ გაეშურა. იქაც საოცარი ცვლილება მომხდარიყო: ზღვა რამდენსამე ასს საყენ მანძილზე უკუქცეულიყო, და მის მაგივრად ხმელეთი მოსჩანდა. მრავალმა ხალხმა მოიყარა თავი სანაპიროზე; ბევრი მათგანი მთლად შიშველ-ტიტველი იყო. ხალხი მიწაზედ დაკეშო და, მუხლ მოდრეკილი, ღმერთს ევედრებოდა, ეკმარებინა ამდენი ტანჯვა. დიდხანს არ გასტანა ასეთმა მდგომარეობამ. ზღვა ისევ თავის ნაპირებისკენ გამოჰქანდა, აზვირთებული ტალღები ხმელეთზე გადმოვიდა და, რაც მოედანზე ხალხი იყო, სულ ერთიანად ჩანთქა. რაც მიწის-ძვრამ დააკლო, ის წყალმა შეუქრულა. ქალაქის მცხოვრებლები სამოც ეთასამდი დაიღუპა. სწორედ ამ დროსვე აფრიკაშიაც დიდი უბედურობა დატრიალდა: რამდენისამე სოფლის ქვეშ მიწა გაირღვა და სოფლები თან ჩაიტანა: გარღვეულმა მიწამ პირი ისევ შეიკრა, თითქოს ამითა ჰსურდა თავის დანაშაულის დამალვა.

მესინის მიწის-ძვრა სიძლიერით აღემატება ლისაბონისას. ეს მიწის-ძვრა მოჰხდა შარშან, 1908 წელს, დეკემბრის დამლევს. მესინის გარდა მის ახლო მდებარე ქალაქებიც დაიღუპა. მიწა იძრა ღამის ოთხ საათზე, როდესაც ქალაქი ღრმადილში იყო. ამ მოვლენას ისეთი ძალა ჰქონდა, რომ რაც

ქალაქში შენობები იყო, სულ დაინგრა. ნანგრევებში მარცხელი ხალხი დაიტანა. ამ უბედურობას სხვა უბედურობაც დაერთო: გასანათებელი გაზის მილები, რომლებიც გაყვანილი იყო მთელ ქალაქში, დასკდა, გაზს ცეცხლი მოეკიდა და მოედო ქალაქს. ვინც კი შემთხვევით გადარჩნენ, ქუჩაში გამოცვივდნენ, მაგრამ ვერც იქ უშველეს თავს. ქალაქის არემარე სიბნელით იყო მოცული და კოკისპირული წვიმა მოდიოდა. გარშემო არაფერი სჩანდა, რომ შესაძლებელი ყოფილიყო საითმე გაქცევა და გადარჩენა. ხალხი სასოწარკვეთილებაში ჩავარდა, აღარ იცოდა, რა გზას დასდგამოდა. აღმოჩნდა, რომ ქუჩაშიაც საშიში იყო დარჩენა, რადგანაც ბევრ ადგილას დედამიწის პირი დამსკდარიყო და ხალხი შიგცვიოდა. შეწუხებული ხალხი ზღვის ნაპირისკენ გაემართა, მაგრამ იქაც ლისაბონიელების უბედურობა დაატყდათ: მიწის ძვრას ზღვის-ძვრა მოჰყვა. ტალღები ხმელეთზე გადავიდა და ხალხი წყალში ჩაიტანა. დაღუპულთა რიცხვი ორასი ათასი აღმოჩნდა.

II

საბედნიეროდ, ასეთი ძლიერი მიწის-ძვრა იშვიათია. უფრო კი ხშირად სუსტად იძვრის მიწა. ამისთანა მიწის-ძვრას უბედუბა და ზარალი არ მოსდევს. ხალხი მარტო შიშს გამოივლის ხოლმე, ზარალი კი მარტო ის არის, რომ ზოგ სახლებს კედლები უსკდება. საცა ხშირად იცის მიწის-ძვრა, იქ ხალხი ისეა შეჩვეული, რომ ყურადღებასაც აღარ აქცევს. ამისთანა ქვეყანა იაპონია არის: სამაგიეროდ, ციმბირსა და რუსეთში სუსტი მიწის ძვრაც კი ძალიან იშვიათად იცის.

საოცარი ცვლილება ხდება დედამიწის ზედაპირში მიწის ძვრის შემდეგ. შემჩნეულია, რომ ზოგ კებში სრულებით იკარგება წყალი, ზოგში კი მატულობს. ზოგს მდინარეს სრულებით ეცვლება მიმართულება. უწყლო ადგილებში წყაროები ჩნდება, წყლიანი და ნესტიანი ადგილები კი მშრალ ადგილებ-



ბათ გარდაიქცევიან ხოლმე. წყაროებს უცებ ემატებათ წყაროები, ან კიდევ სულ მოულოდნელად იმღვრება და ეცვლება გემო და ტემპერატურა. ლისაბონის მიწის ძვრის დროს ინგლისში უქარო დღეს ტბებმა სულ უმიზეზოდ დაიწყეს ღელვა. ამ გვარი მოვლენა ძალიან ბევრია, მაგრამ სუყველაზედ შესამჩნევად ის უნდა ჩაითვალოს, როდესაც დედამიწას პირი უსკდება, ან არა და ძირს იწევს, და სამაგიეროდ დაბალი ადგილი მაღლდება. დედამიწა კარგა დიდ მანძილზედა სკდება, ჩნდება ნახეთქები ანუ ნაპრალები. საბერძნეთში ერთ ამისთანა ნაპრალს სიგრძე თორმეტი ვერსი აქვს, სიგანე-კი—ორი ადლი.

უფრო გრძელი ნაპრალი ავსტრალიაშია. ამ ნაპრალს სიგრძე-ჯერ ოთხმოცდა ათი ვერსი ჰქონდა, როცა მიწის ძვრა გამეორდა, უფრო მოემატა და ას ორმოცი ვერსი გახდა. მიწის ნაპრალებს მომეტებულ ნაწილად პირი ღია რჩებათ. ზოგს კი ხელახლა ეკვრება. ამერიკაში ერთ მიწის ძვრის შემდეგ შრავალი ნაპრალი გაჩნდა და შიგ ხალხი ჩაინთქა. რადგანაც ნაპრალები ისევ ჩქარა შეიკრა, ბევრმა ვერ მოასწრო მთლიად ჩავარდნა და ზემო ნაწილი სხეულისა მაღლა დაპრაათ. ის ადგილი გაქყლებილ კაცების თავებით მოიფინა და დიდხანს საზარელ სურათს წარმოადგენდა.

დედამიწის ზედა-პირის აწევ დაწვეით უფრო ძალიან ეცვლება ადგილს გარეგანი სახე და მოყვანილობა, ასე რომ იდამიანი ველარც კი სცნობს ნაცნობს მხარეს. იაპონიაში ერთ გადახნულ მინდორზედ, რომელზედაც გზა გადადიოდა, შემდეგი ცვლილება მოჰხდა: ამ მინდვრის ერთმა ნაწილმა აიწია, მეორემ კი დაიწია. მათ შორის რამდენიმე ადლის სიმაღლე კედელი გაჴეთდა. შეუძლებელი გახდა ამ გზაზედ მოგზაურობა, რადგანაც გზაც შუაზედ გასწყდა. ასეთივე ცვლილება ნახნავებსაც მოუვიდა: ზოგს ბოლო დააწყდა და ზოგს თავი, ასე რომ მათ პატრონებს მთლიად აერიათ თავიანთი საკუთრება.

III

მიწის ძვრის მიზეზები

ახლა ვიკითხოთ, საიდგანა და როგორა ჩნდება მიწის ძვრა. უმეტარი ხალხი თავისებურადა ჰხსნის ამ მოვლენას; ახლაც ბევრი მათგანი იმ აზრისაა, რომ დედამიწა სამ ვე-შაპზედა სდგას. როდესაც ეს ვეშაპები გაინძრევიან, მიწაც მაშინ იძვრის. როდესაც მეცნიერებმა დაამტკიცეს, რომ დედამიწა, არამც თუ არაფერზედ არა სდგას, პირიქით, თავისუფლად დასეირნობს მსოფლიოს სივრცეში, მაშინ მიწის ძვრის მიზეზების ძებნა მიწაშივე დაიწყეს. ადამიანის უბედურობის მიზეზი წყალი და სითბო გამოდგა, მხოლოდ წყალი ორთქლად გარდაქცეული. ძნელი დასაჯერებელია პირველად, ორთქლს იმდენი ძალა ჰქონდეს, რომ მიწა შეინძროს, მაგრამ, თუ დავაკვირდებით ორთქლივ მატარებლის ღონესა და ძალას, ეკვს ადგილი აღარ ექნება. ორთქლის მატარებელში ორთქლი ბევრი არ არის, მაგრამ დიდ სიმძიმესა სძრავს, ათას ფუთობით გადააქვს ტვირთი ერთ ადგილიდგან მეორეზედ. ახლა წარმოვიდგინოთ, რამდენი ძალა გაჩნდებოდა, რომ რაც მდინარეში ან ტბაში წყალია, ერთბაშად ორთქლით გარდაიქცეს. ამისთანა ძალას, მეცნიერების აზრით, არ გაუჭირდებოდა მიწის შენძრევა.

საიდგანა ჩნდება მიწაში ორთქლი? ამ უკანასკნელის გასაჩენად წყალი და სითბოა საჭირო. თუ მიწაში ორივე მოიპოვება, მაშინ ორთქლიც გაჩნდება. მიწაში რომ წყალი არის, ეგ ყველამ ვიცით, რადგანაც მდინარეები და წყაროები მიწიდან გამოდის, მაგრამ მათ მთლად ვერ გამოაქვთ ის წყალი, რომელიც ჩაიფონება ხოლმე წვიმისა და თოვლის შემდეგ, ბევრი წყალი კიდევ რჩება მიწაში, რადგანაც გამოსასვლელ ადგილს ვერა პოულობს. ამგვარად მიწაში გროვდება წყალი და ჩნდება ტბები, რომლებსაც ქვესკნელის ტბებს უძახიან.




წყალი არც აქა რჩება დიდხანს, მეტადრე თუ ეტყვი, რომელია
 რი დაუსკდა, მაშინ წყალი უფრო ღრმად მიდის დედამიწის
 გულისკენ და მიისწრაფის იქითკენ, საცა დიდი სითბოა. დე-
 დამიწაში რომ დიდი სითბო არის, ეს იქიდგან გაიგო ადამიანმა,
 რომ ბევრ ადგილას მიწიდგან ცხელი წყლები ამოდის. ამის-
 თანა წყლები ტფილისშიაც არის. ევროპაში, კუნძულ ისლან-
 დიაში შადრევნებიც კია ცხელის წყლისა. ამას გარდა, ადა-
 მიანი საკუთარის გამოცდილებითაც დარწმუნდა, რომ მიწაში
 დიდი სითბო უნდა იყოს. როდესაცა სთხრიან მაღაროებს
 მადნეულობის ამოსაღებად, აშკარად ატყობენ, რომ, რაც
 უფრო ღრმად ჩადიან, მით უფრო სითბო მატულობს. ღრმა
 მაღაროებში ხშირად მადნისთვის მიუწებებიანთ თავი, მარტო
 იმისთვის, რომ დიდი სიცხის გამო შეუძლებელი ყოფილა
 მუშაობა.


თუ დიდ სიღრმეზედ ასე მატულობს სითბო, მაშინ დე-
 დამიწის გულში ისეთი საშინელი სიცხე უნდა იყოს, რომ
 ყოველი ნივთიერება, რაც კი იქ მოიპოვება, უმკველად გამ-
 დნარი იქნება. ამ აზრს შემდეგი მოვლენა გვიტყობს. დე-
 დამიწის ზურგზედ არის მთები, საიდგანაც დრო გამოშვებით
 გამდნარი ნივთიერება (ლავა) ნაცარ-ტუტსავით ამოჰხეთქს
 ხოლმე. ეს ნივთიერება ნიაღვარივით მოედება არე-მარეს და,
 რასაც გზაში ჰხედება, სულ ერთიანად სწვამს. ამისთანა მთებს
 სახელად ცეცხლ-მფრქვეველი მთა ეწოდება. ზემო მოყვანილი
 მაგალითები გვიჩვენებს, რომ დედამიწაში წყალიცა ყოფილა
 და სითბოც, მაშასადამე, ორთქლის გასაჩენად საჭიროა მხო-
 ლოდ მათი ერთმანეთთან შეხვედრა. წყალიც სწორედ იქით
 მიიწევს, საცა დიდი სიცხეა, ე. ი. მიწის გულისკენ; იქ ცხელდე-
 ბა და ორთქლად იქცევა. წყალი ორთქლათ გარდაქცეული ძა-
 ლის იძენს, ფართოდება და განზედ იწევს. რადგანაც დედა-
 მიწაში ძალიან ბევრი წყალი ჩადის, ორთქლიც ბევრი ჩნდება,
 განივრდება და იღარა ჰყოფნის ის ადგილი, რომელიც წყალს
 ეპირა და ძალზედ აწევა ქვემოდგან დედამიწის ზედაპირას.



ამ დაწოლის გამო მიწა ინძრევა და აი ამ მოვლენას ზეგნ მიწის ძვრას ვეძახით. მიწის ძვრა, სხვათა შორის, იმით არის საშიში, რომ სულ მოულოდნელადა ჰხდება. ბევრს ეცადნენ მეცნიერები, გაეგოთ წინდაწინვე, როდის გამეორდებოდა მიწის ძვრა, მაგრამ ამოდ, მხოლოდ ის შეიტყეს, რომ ეს მოვლენა უფრო ხშირად ღამე ხდება ზამთრობით. კიდევ მიწის ძვრა იყო ჯავახეთში (ახალქალაქის მახრა) დეკემბერში 1899 წ. ბარალეთის რაიონში. დაზარალდა სოფლები: ბარალეთი, იბტილა, შერენია, სამსარი დიდი და პატარა და სხვა.

ს. გ.






მითღობია

ტროადის ომი*)

ომის განახლება და ტროადელების გამარჯვება



წორედ იმ დღეს, როცა აქვევლებსა და ტროადელებ შორის შუკრულ ზავის ვადა შესრულდა, ღმერთების მამათ-მთავარს ზევსს მოაგონდა ფეტიდა ქალ-ღმერთისათვის მიცემული სიტყვა. ოლიმპოსის მფლობელი და ყოვლად შემძლებელი ღმერთების მამათ მთავარი დაპირდა ფეტიდა ქალღმერთს, სანამ აქვევლების მთავარ-სარდალი ღირსეულად პატივს არა სცემს დიდებულს და ძღვევა-მოსილს ფეტიდა ქალ ღმერთის შვილს აქილს, ელინთა მხედრობა ყოველთვის დამარცხებული იქნება, ტროადელებზედ ვერასოდეს ვერ გაიმარჯვებსო.

ღმერთების მამათ-მთავარს, მოაგონდა რა ეს დაპირება, გაუთენებლივ მოიწვია ყველა უკვდავი ღმერთები ოლიმპოსზედ და ასეთის სიტყვებით მიჰმართა: „უკვდავო ღმერთო და უკვდავო ქალღმერთებო! გაფრთხილებთ! თუ ვინმე თქვენგანი დღეს, როცა ტროადელებსა და აქვევლებს შორის ომი განახლდება, ბრძოლის ველზედ წავა და ან ერთსა და ან მეორე მხარეს დახმარებას აღმოუჩენს, სასტიკად დავსჯი, თავზედ ლაფ-დასხმულს ოლიმპოსზედ დავაბრუნებ და დაუ-

*) იხილეთ „ნაკადული“ № 9.



ყონებლივ ჯოჯოხეთში სამუდამო სატანჯველად განგებულა რბე. ჩემთან ხუმრობას არავის არ ურჩევ! გახსოვდეთ, ჩემს ძლიერებას საზღვარი არა აქვს! ვინც ჩემის სურვილის თანხმად არ მოიქცევა, სიცოცხლეს გაუშწარბე, დედამიწის ზურგზედ არ ვაბოგინებ! იცოდეთ, ყველა ამისათვის ძალა საკმაოდ შემწევს! აბა, თუ გსურსთ, შეამოწმეთ ჩემი ძლიერება! ჩამოჰკიდეთ ცაზედ ოქროს ჯაჭვი, ჩამოეკიდეთ ამ ჯაჭვზედ ყველა ღმერთები და ქალ-ღმერთები და, აბა, სცადეთ, შესძლებთ თუ არა ჩემის ზეციდან დაძვრას! დიადაც რომ ვერა! ოლიმპოსის მფლობელს, ცისა და ქვეყნის მმართველს ზევსს ადგილიდანაც ვერ დასძრავთ! პირიქით, მე თუ მოვისურვე, ყველა ღმერთებს და ქალ-ღმერთებს ამ ოქროს ჯაჭვით ზეცას ამოვიკრფე, დედამიწასა და მთელ ზღვასა და ოკეანეს თან ამოვიტან ზეცას და ამავე ოქროს ჯაჭვით ოლიმპოსის მწვერვალზედ მივაკრავ! დიალ! ესეთია ჩემი ძლიერება და ამიტომ ჩემის ბრძანების შეუსრულებლობა პრავალს თქვენგანს სანანურად დარჩება!*

ღმერთებმა შიშითა და კრძალვით მოისმინეს ოლიმპოსის მფლობელის შრისხანე სიტყვა და ვერც ერთი მათგანი სიტყვის შებრუნებას ვერ უბედავდა ღმერთების მამათ-მთავარს.

ოლიმპოსის მბრძანებელმა ასეთის ბრძანების გაცემის შემდეგ შეაბმევიწა ოქროს ეტლში თავისი ფეხმალი, ოქროს ფაფრიანი უკვდავი ცხენები და ელვის სისწრაფით იდის მთაგრებილებისაკენ გაეშურა. ოქროს ფაფრიანში ცხენებმა სისწრაფით გაიტაცეს ოლიმპოსის მფლობელი იდის მთაგრებილებისაკენ, საცა ერთ-ერთს შალალს მთაგრებილზედ ხშირს ფიქვნარში ამართული იყო ზევსის პატივისაცემლად საკურთხეველი, ღმერთების მამათ-მთავარმა გააჩერა თავისი მალი ეტლი ამ ფიქვიანში და მალლობიდან თავს დაჰყურებდა აქვევლებისა და ტროადელების ბანაკს.



ვათენდა სამკვდრო-სასიცოცხლო დილა. მზემ^{მზის} და მთა^{მთის} ნათობელი სხივები მორცხვად გადმოაშუქა აქვეყნებისა და ტროადელების ბანაკს. მცველებმა მოკრძალებით გააღეს ტროადის ალაყათის კარები, საიდანაც გამოვიდა ტროადელების მხედრობა ცხენიანი და ქვეითი. სწორედ ამ დროს ელლინთა მხედრობაც ბრძოლის ველისაკენ მოეშურებოდა. ტროადელების მხედრობის რიცხვი გაცილებით უფრო ნაკლები იყო აქვეყნთა მხედრობაზედ. თუმცა ასე რიცხვ-მცირენი იყვნენ, მაინც ტროადელების მეომრები გაბედულად და მამაცად იკრიბებოდნენ ბრძოლის ველზედ სრულიად დაიმედებულნი, რომ თუ მდგრად და მამაცურად შევებრძოლებით მოსისხლე მტერს, ჩვენს კოლშვილს უეჭველად განსაცდელი-საგან დაეიხსნითო.

ორივე მოწინააღმდეგე მხედრობა პირის-პირ წარსდგა და, მთავარსარდლების ბრძანებით, ერთი მეორეს სამკვდრო-სასიცოცხლოდ შეეჯახა. საზარელი სურათი გადიშალა ამ დროს ბრძოლის ველზედ. მეომრები თავ-განწირვით ეხეთქებოდნენ ერთმანეთს და უკანასკნელ სულის ამოსვლამდე იარაღს ხელს არ აშორებდნენ. საერთო ხმაურობა, ცხენების თქარა-თქური და ჭიხვინი, მეომრების ყიყინი, დაქრილთა კენესა და ოხერა ბრძოლის ველს ჯოჯოხეთად ჰქმნიდა. სისხლის ნაკადულებმა ერთიანად მოიცვა ბრძოლის საზარელი ველი. მთელი დილა ორივე ლაშქარი განუწყვეტლივ ებრძოდა ერთმანეთს, იერიში იერიშზედ მიჰქონდათ ერთმანეთზედ, მაგრამ ვერც ერთმა ვერ სძლია, ვერც ერთმა ვერ გაიმარჯვა. მეომრები სამკვდრო-სასიცოცხლო ბრძოლას განაგრძობდნენ.

უკვე შუადღემაც მოაღწია. ღმერთების მამათ-მთავარმა ზევსმა, რომელიც ბრძოლის ველს დაჰყურებდა იდის მთავრებილებიდან, აიღო ხელში ოქროს სასწორი და ერთ ჯამზედ დასდო „სიკვდილის მხვედრი“ ტროადელებისა, ხოლო



მეორეზედ „სიკვდილის მხვედრი“ აქვევლებისა, მამათ-მთავარმა სასწორის უღელს მოჰკიდა ხელი შუა ადგილას. სასწორის ჯამი, რომელზედაც ზევსმა დასდო „სიკვდილის მხვედრი“ აქვევლებისა მიწამდის დაიხარა, ხოლო ტროადელეების „მხვედრი“ კი ცათამდის აიწია.

ოლიმპოსის მფლობელი სასწორის ესეთის გადახრის შემდეგ სასტიკად განრისხდა და, რაც ძალი და ღონე ჰქონდა, იდის მწვერვალოდგან გადისროლა აქვევლების ბანაკში თავისი ელვასავით სწრაფი ისარი. შიშის ზარმა აიტანა მთელი მხედრობა აქვევლებისა. ზევსის მიერ მძლავრად ნატყორცნმა ისარმა გოჯოხეთის გენია დაატრიალა ელლინთა მხედრობაში. ელლინთა მხედრობა შეშინდა მით უფრო, რომ თითქმის ყველა საუკეთესო სარდლები უკუ იქცნენ ბრძოლის ველიდან.

ტროადელებმა, რომელთაც ძღვევა-მოსილი ჰექტორი მთავარსარდლობდა, ისარგებლეს აქვევლთა მხედრობის შეშფოთებით, მოიკრიბეს უკანასკნელი ძალ-ღონე და გაორკეცებულის მხნეობით შეებრძოლნენ მტერს. ელლინთა მხედრობა ვერ უმკლავდებოდა ტროადელების გამხნეებულს მეომრებს და თან და თან უთმობდა ბრძოლის ველს და თავის ხომალდებისაკენ იწვედა.

ჰერა ქალღმერთი ოლიმპოსის მწვერვალიდან დაჰყურებდა აქვევლთა მხედრობის დამარცხებას და გული მწუხარებით ევსებოდა. ჰერამ დაუყონებლივ მოიწვია ღმერთი პოსეიდონი და შეევედრა დახმარება აღმოეჩინა აქვევლების მხედრობისათვის თავგასულ ტროადელების წინააღმდეგ. ჰერას განსაკუთრებით ის უკლავდა გულს, რომ ტროადელების მეომრები მეტად უშვერს სიტყვებით იხსენიებდნენ აქვევლებს და დაცინვით ერეკებოდნენ ხომალდებისაკენ. პოსეიდონმა ვერ გაჰბედა ოლიმპოსის მბრძანებლის სიტყვის გატეხა და



ჰერა ქალღმერთს უარი განუცხადა აქვევლების ზედ.

ტროადელების მთავარ-სარდალი ჰექტორი თავის ძლევამოსილ მხედრობით თან და თან უფრო უახლოვდებოდა აქვევლების ბანაკს და მათ ხომალდებს. ბრძოლის ველი ავსებული იყო დახოცილთა გვამებით. ჰექტორი ის იყო აქვევლების ხომალდების დაწვას და განადგურებას ემზადებოდა. სწორედ ამ დროს ჰერა ქალღმერთმა შეაგონა ელლინთა მხედრობის მთავარ-სარდალს აგამემნონს გაემზნევიბინა აქვევლთა მხედრობა თავგასულ ტროადელების საწინააღმდეგოდ. ძლევამოსილი ელლინთა მთავარ-სარდალი, ჰერა ქალღმერთის შეგონებით, გაეშურა ხომალდებისაკენ, ავიდა ოდისევსის ხომალდზე და ხმა მალლა მიჰმართა შემდეგის სიტყვებით აქვევლებს: «სირცხვილი თქვენ, აქვევლების ძლევამოსილო მეომრებო! რა უყავით, სად დაჰკარგეთ თქვენ ოდესლაც სახელ განთქმული სიმამაცე! დიდებულო ოლიმპის მფლობელო, მალალო ზევსო! რა დაგიშავეთ, რომ ასე მწარედ და სასტიკად დამსაჯე მე და ჩემი ძლევამოსილი მხედრობა! მე და ჩემი მხედრობა ხომ ყოველთვის დიდის პატივის ცემით ვიბსენიებდით შენს დიდებულს სახელს! ჩვენ ხომ ყოველთვის გულწრფელად მსხვერპლს ვწირავდით შენის ტაძრის საკურთხეველზე!»

დიდებულო და ყოვლად შემძლებელო ღმერთების მამათ-მთავარო! აღმისრულე ეს ჩემი უკანასკნელი სურვილი მაინც: მოგვეცი შეძლება, თავი დავაღწიოთ მოსისხლე მტერს და უვნებლად დავბრუნდეთ სამშობლოში!

ესე ევედრებოდა ელლინთა მხედრობის მთავარ-სარდალი ოლიმპოსის მფლობელს, ყოვლად შემძლებელ ზევსს, და თვალთავან ნაკადულებრ მდულარე ცრემლი გადმოსდიოდა.



ზევის შეებრალო აქვევლთა მხედრობის მთავარსა და დაიხსნა ელლინთა მხედრობა საბოლოოდ განადგურებისაგან. ოლიმპოსის მფლობელმა, ნიშნად ლომბიერებისა, აქვევლთა ბანაკში გადააფრინა იდის მთაგრეხილებიდან მძლავრი არწივი, რომელსაც თავის ბასრ კლანკებში მაგრად ეკირა ახალგაზდა ირემი. არწივმა ეს ახალგაზდა ირემი ელლინთა ბანაკში მიწაზედ ჩამოაგდო ზევისის ტაძრის მახლობლად.

ელლინთა მხედრობამ ახალგაზდა ირმის ზევისის ტაძართან ჩამოგდება კეთილ ნიშნად მიიმჩნია და გაორკეცებულის მხნეობითა და სიმამაცით მტერს შეებრძოლა.

ასტუდა კვლავ ცხარე ომი. ჰექტორი და მისი ძლევა-მოსილი მხედრობა, რაც ძალი და ღონე ჰქონდათ, თავგანწირვით მტერს ებრძოდნენ. მოწინააღმდეგენი იშვიათის სიმამაცით იბრძოდნენ.

ოლიმპოსის მფლობელი მაინც ტროადელების მხარეზედ იყო და კიდევაც ამიტომ ჰექტორი გააფთრებულ ლომივით მძვინარებდა მტრის ლაშქართა შორის და არავის არ ინდობდა. აქვევლების მდგომარეობა მეტად საშიშარი იყო.

ჰერა ქალღმერთი ოლიმპოსის მწვერვალოდან დასცქეროდა აქვევლების განადგურებას და გული სიბრალოლით ევისებოდა. ჰერამ ვერ მოითმინა და ათინა ქალღმერთს სთხოვა, აქვევლებს დაჰხმარებოდა.

ათინა ქალღმერთი დასთანხმდა ჰერას წინადადებაზედ. ჰერამ დაუყონებლივ შეაბმევიანა ფეხმალი ცხენები ეტლში და ათინასთან ერთად გაეშურა ოლიმპოსის მწვერვალოდან აქვევლების დასახმარებლად.

ზევისმა, მოჰკრა თვალი თუ არა იდის მთაგრეხილებიდან ბრძოლის ველისაკენ მიმავალ ჰერასა და ათინას, გაგზავნა მათ დასაწევად თავისი შიკრიკი ირისი ქალღმერთი. ოლიმ-



პოსის მბრძანებელი მეტად უკმაყოფილოდ დარჩა ქართველების ურჩობით და ფიცხლავ განკარგულება გასცა, დაუყონებლივ ოლიმპოსზედ დაბრუნდით, თორემ სასტიკად დაგსჯით ურჩობისათვისო. ჰერა და ათინა შეშფოთდნენ ზევსის მრისხანებით და დაუყონებლივ დაბრუნდნენ ოლიმპოსზედ.

ღმერთების მამათ-მთავარიც გაემგზავრა იდის მთაგრეხილებიდან ოლიმპოსის მწვერვალოზედ. ზევსი შევიდა თავის სასახლეში, საცა უკვე თავმოყრილი იყვნენ ყველა უკვდავი ღმერთი, ჩამოჯდა თავის ოქროს ტახტზედ. მრავალ გრებილებიანი ოლიმპოსი ერთიანად შეიძრა, როცა ყოვლად შემძლებელი ღმერთების მამათ-მთავარი ჩამოჯდა თავის ოქროს ტახტზედ. ოლიმპოსის მფლობელმა მრისხანე სახე მიიღო. უკვდავი ღმერთი შიშით ცახცახებდნენ. ყველანი სდუმდნენ და ხმის ამოდებას ვერა ჰხედავდნენ. ათინა და ჰერა ზევსის მოშორებით იხდნენ და საერთო მღუშმარებას არ არღვევდნენ. ღმერთების მამათ-მთავარმა საყვედურის კილოთი მიჰმართა ღმერთებს და, სხვათა შორის, აღნიშნა, ყველა ღმერთები სავსებით არ ასრულებენ ჩემს ბრძანებასაო. ჰერამ ვერ მოითმინა ესეთი საყვედური და აშკარად გაუმტლავნა ყოვლად შემძლებელ ღმერთების მამათ-მთავარს თავისი გულის ნადები აქვეყნების გამოსარჩლებისა.

ოლიმპოსის მფლობელი ამის შემდეგ მრისხანედ მიუბრუნდა ჰერას და შეჰნიშნა:

„კარგად უნდა იცოდე, რომ ელლინთა მხედრობა ხვალაც უფრო მეტს დამარცხებას განიცდის. ძლევა-მოსილი ტროადელების მხედრობის მთავარ-სარდალი მანამ არ შედრკება, სანამ ელლინთა მხედრობა კვლავ არ მოიწვევს იგამეზონის მიერ შეურაცყოფილ გმირთა გმირს აქილეუსს. განგებისაგან ასეთა გადაწყვეტილი და ამიტომ შენი წუხილი და მრისხანება უნაყოფო და უადგილოა!“



დაღამდა. ლამის წყველიაღმა შეაწყვეტინა მტრებს ნათესავს
 განწირული ბრძოლა. ბრძოლის ველი, რომელიც საღამო
 ეამს უამრავ გვამებით იყო მოფენილი, დაცარიელდა და ირ-
 გვლივ სამარისებური მყუდროება ჩამოვარდა.

ელლინთა და ტროადელთა მხედრობა ბრძოლის ველის
 მახლობლად დაბანაკდა იმ აზრით, რომ მეორე დღეს გაუ-
 თენებლივ ერთმანეთს სამკედრო სასიცოცხლოდ შებრძო-
 ლებოდნენ.

ა. მიქაბერიძე





უზგარი საშუალება უსიამოვნების თავიდან
ასაცილებლად

(ფრანგულიდან)

ერთხელ ინგლისის ცნობილ ფილოსოფოს კლარკს ჰკითხეს: როგორ უნდა მოიქცეს ადამიანი, რომ ყველასთან კეთილი შეგობრობა იქონიოს და აყალ-მაყალს და შეტაკების ასცდეს.

— ამისათვის უზგარი წამალია, ვინმე რომ გაგიჯავრდეს, მიანებე მაშინადვე თავი და ყურადღებას ნუ მიაქცევო — უპასუხა კლარკმა.

კლარკის ეს სიტყვები დღეს ინგლისში ყველას საიანდაზოდ გახდომია. როდესაც ცილობა ჩამოვარდება ჩვეულებრივად, კეთილგონებიანი ეუბნება მოწინააღმდეგეს: შეჩერდი, ადამიანო, მოიგონე გონიერ კლარკის სიტყვები და მაინებე თავი მოწინააღმდეგეს, როდესაც ის ჯავრს შეუპყრია და გააფთრებულმა არ იცის, თუ რა მოიქმედოს და რას ეცეს.

ეს სიტყვებიც საკმარისია, რომ მოწინააღმდეგენი დაიშალონ. განათლებულ ინგლისის ქვეყანაში გონიერ კლარკის სიტყვები მტკიცება და ცული და ყველა ვალდებულია რაცხს თავს იგი აისრულოს.

ს. ცომაია





პ

, ი 3,,



, ს გ

გ ი
მ რ

, ს უ



,,



, ი ,,



თ

მე-9 №-ში მოთავსებულ რაბუნის ახსნა:

ნახეს უცხო მოყმე ვინმე, სჯდა მტირალი წყლისა პირსა.

1909 წლის იანვრიდან 1910 იანვრამდე.

საქმეწვილო სურათებიანი ჟურნალი



ნაკადული

(წელიწადი მეხუთე)

წლიურ ხელის მომწერლებს მიეცემათ:

24 წიგნი ჟურნალი „ნაკადული“ მკირე წლოვანთათვის

12 წიგნი ჟურნალი „ნაკადული“ მოზრდილთათვის.

პრემია: მიეცემა წლიურ ხელის მომწერლებს 1909 წ. „რას გვიამბობს ოთხი“ (ავენარიუსისა)

ჟურნალს ხელმძღვანელობს უწვეს საკანკებოდ აზრეულა სარედაქციო კომისია.

ფასი ჟურნალისა: წლიურად ხუთი მანეთი. ნახევარის წლით სამი მან.

სამხდვარ გარედ: წლიურად შვიდი მანეთი. ნახევარ წლით ოთხი მან.

მდარე წლოვანთათვის 24 წიგნი სამი მან.—მოზრდილთათვის 12 წიგნი სამი მან.—ხელის-მოწერა შიადება წლიურად და ნახევარი წლით. ფულის შემოტანა შეიძლება ნაწილ-ნაწილად.

ხელის მოწერა მიიღება:

1) „ნაკადულის“ რედაქციაში, გოლოვინის პროსპ., ხუბალი-ვის სახლ., № 8, ყოველ-დღე 9—2 საათ., სამშაბათობით საღამოთიც.

2) წერა-კითხვის გამავრცელებელ საზოგადოების წიგნის მაღაზიაში, სასახლის ქუჩა, სახლი თავად-აზნაურობისა. წლიურად ფასი ჟურნალისა დამატებით, ესე იგი 36 წიგნისა რჩება ისევ 5 მანეთი.

ნაკადულის რედაქცია სთხოვს ხელის-მომწერთ:

ვისაც ჟურნალის ნომრები დააკლდება, მიმართონ აგენტს ან რედაქციას, არა უგვიანეს ერთის თვისა.

ვინც მასალას გამოგზავნის დასაბეჭდათ ვთხოვთ გარკვევით და სუფთად იყოს დაწერილი.

რედაქტორი: მ. ი. დემურია.

გამომცემელი: თავ. პ. ი. თუმანიშვილი.